

四庫全書

史部

欽定四庫全書

浙江通志卷三十

公署

上

命官建事必有視事之所用以出治行政非徒為
辨等威肅觀聽而已兩浙官盛事繁解宇制置悉
備要必職思其居而後無曠厥守百爾君子尚其
夙夜自公以仰副

聖朝設官分職之至意其敢以臨民親切之地而傳舍

視諸志公署

浙江省城

總督部院

在斯如坊

舊為明總兵府

國朝康熙七年浙江總督趙廷臣改建為總督部院署
二十三年裁併福浙總督駐劄福建署久空閑日

就傾圯雍正五年浙江巡撫

臣

李衛奉

旨特授浙江總督管巡撫事仍駐劄巡撫衙門因額設
公署體統攸闕於雍正九年撥備公銀兩委屬員

鼎建署之制正中大堂五間上奉

御書岳牧之任扁額前為露臺為甬道為儀門題曰文
武總憲正南大門三間署額曰總督部院大堂後
為川堂為二堂奉懸

御書養素二字又

御書秉鉞巖疆四字為額進內為垂華門門內正樓五
間左右翼樓各三間東西廂樓亦如之後樓五間
耳房各三間周以繚垣環以羣房川堂之東為簽

押堂為書廳為蓮花幕更東為

御書碑亭恭貯歷任督臣所奉

宸翰勒之貞珉以垂永久前督臣覺羅滿保捐建今拓而新之視昔加崇焉其後為庖湑為廩廡稍南為吏舍為書冊房更南為內廐川堂之西為西花廳旁置舫齋有池有亭軒檻玲瓏竹木交映而吳山一帶橫列於右如錦屏綺幔朝來爽氣近在几席更西為箭廳較閱屬員騎射儀門東為土地祠大

門外為東西轅門為文武官候廳左右建二石坊
一曰威震東南一曰澄清海甸更東有重樓傑峙

曰雄鎮樓

巡撫都察院

在裕民坊內
通江橋東

嘉靖浙江通志浙江巡

撫舊不常設有事則遣大臣巡視或尚書或大理
卿或都御史官無定員治無定所嘉靖三十九年
太子太保兵部尚書兼都察院右都御史胡宗憲
總督浙江兼巡撫以舊清軍察院改建名總督府

萬歷杭州府志舊清軍察院嘉靖二十四年巡視都御史朱統併倉址改建三十五年燬總督胡宗憲重建添設諸司候廳庶官分署規制始備遂名總督府云

錢塘縣志其北有

鎮海樓

吳越時為朝天門

東為鎮東樓

錢鏐平董昌為鎮海鎮東軍節度使

兼領兩浙此其遺意也

東西二坊曰保障江藩曰澄清海甸

國朝為巡撫都察院署雍正五年欽奉

特旨授浙江巡撫

臣

李衛為兵部右侍郎總督浙江等

處軍務兼理糧餉管巡撫事尋陞兵部尚書加太子少保節制江南仍駐劄巡撫衙門署之制中為

大堂崇奉

聖祖仁皇帝御書宣布德澤推誠遇人寬簡愛民扁額前
為露臺為甬道為儀門為大門後為川堂雍正二
年

御書公勤廉幹四字賜臣李衛從滇南恭賞至浙敬懸
正中川堂後為

聖祖仁皇帝御書受祜堂中懸

御書五福圖又後為內宅門為三堂雍正四年臣李衛

母年八十荷蒙

御書永錫康寧四字扁額

賜懸其上更後為住房為堂樓西為後廳為內書室

舊有

集思堂擬蕉亭後樂亭即其址

川堂之東為

御書樓恭貯歷年奉

賜御製詩文詔諭扁額對聯永垂世寶又東為誠本堂

稍南為自修堂又東為箭廳雍正十二年以總督

銜管巡撫事

臣

程元章改建書室三楹凡三進以

居幕客又川堂之西臣李衛初建書樓五間上懸

御書治洽東南吏民遵表範誠孚中外政教本公清對

聯

賜臣李衛中庭設花石清供對廳五間夾以耳廂左為

舫齋小樓更西為箭廳校閱屬員騎射題曰武林

矍圃皆雍正七年建西南平房十五間為總督吏

書冊房又樓房二十六間為巡撫吏書冊房俱有

局鑰其巡鹽書吏則截外官廳而局於儀門之內

在東南隅儀門外東為土地祠大門外東西為司道府縣官候廳將領旗牌巡捕各官廳左右為各胥役班房東為坊曰海晏河清西為坊曰民安物阜通江橋之西復為大坊以表之曰東南節鉞與鎮東樓相映帶云

鎮守杭州等處將軍

在駐防城內

國朝順治五年設鎮守將軍駐防於杭州築滿洲駐防城以民房大者為衙署小者為兵房康熙十三年

添設官員衙署皆係地方官捐造大小官共一百

三十七員衙署一百三十七所而將軍署外又專

設公衙門

在八字橋西

署之制中為大堂四十四年

聖祖仁皇帝賜御書典戎扁額懸奉正中後為二堂上奉御書冠軍二字額大堂之前為露臺為甬道為儀門為大

門東西為轅門樹棹楔外有各官候廳

滿洲左翼副都統

在轅鼓橋

東西轅門鼓亭各一座大

門三間進內為儀門為大堂中懸

御書福字扁額堂西為書房迤北為住房西轅門外之西南隅為箭道有箭廳

滿洲右翼副都統

移駐乍浦

詳兵制其署改為南米倉

漢軍左翼副都統

在花市街

署北向東西轅門鼓亭各

一座中為大門進內為儀門為大堂東西耳廂為

書室堂後為川堂為二堂中懸

御書福字扁額後住房九間左右各有廂

漢軍右翼副都統

在花市街

署北向東西轅門鼓亭各

一座大門三間門內即大堂堂後為儀門為住房

凡二進東西內外各有廂餘皆羣房東北為蔬圃

浙江提督學政

舊名校士館今移改都司署在布政司西

舊浙江通志

校士館在八字橋濱河開元宮故址明成化七年

建為三學射圃嘉靖三十三年提學副使阮鶚建

為館歲科試諸生

國朝順治五年環入駐防營內十四年提學道谷應泰

即司花園舊址改建

在按察司東

康熙十七年燬二十

一年提學道楊引祚重建二十四年以江浙二省
為人文之藪照直隸一體差翰林詹事官一員提
督學政在校士館考試雍正二年兵部議准將浙
江都使司裁汰雍正四年督學彭維新以舊館窄
隘席舍無多考試偪塞擁擠將奉裁都司衙門捐

修改建校士館

萬歷杭州府志浙江都指揮使元
為行宣政院明洪武三年置杭州

都指揮使即其地建署領衛十六守禦千戶所五
正德五年都指揮僉事陳璠建嚴翼堂嘉靖四十
四年張東旭建德星堂為禮賓之所舊
浙江通志順治初改為浙江都使司

中為觀成

堂前為儀門為大門東西兩廡列士子席舍後為
川堂為嚴翼堂又後為學使宅榜曰如玉壺冰大
門外為棘門為榜廊地居南北之中邇於學宮街
衢寬廣庭宇明敞士子雲集咸沐

聖世右文之化云

巡鹽察院

在芝松坊二畝
宗陽宮東北

兩浙鹽法志明永樂間

始差監察御史給事中一員開支天下鹽課至正
統三年歲差御史於兩淮兩浙等運司領勅巡視

禁約及督催鹽課因建院署於浙江布政司東在
錢塘縣之興仁坊弘治十四年監察御史方溢重
修嘉靖二十年監察御史唐臣改傳法寺基重建
署之制中為大門曰風紀重地為儀門為甬道為
露臺為大堂曰太微執法堂後為川堂東為龍門
深處為日新堂西為霜臺別署後有樓曰來鶴東
為後樂園為一鑑亭迤北為此君亭為我心亭為
虛白堂大門外建二坊東曰激揚西曰貞肅

國朝雍正三年巡鹽右副都御史謝賜履於來鶴樓之
東改建廳事五楹書室三楹餘俱重加整葺

織造府

在太平坊

嘉靖浙江通志織造府二並在布政

司東旗纛廟西左為東府右為西府以中官掌之

洪武二年建織染局於斯如坊永樂中因地勢卑

溼分撥工料於湧金門建局織造遂以舊名南局

此名北局後南局盡廢工料併歸北局

江曉織染局碑記局

肇於洪武間在城之南隅鳳山門裏朱家橋僻隘
不便正統間奏改此地宋為五顯祠元為御史臺

基址經始相度建立大門一座正廳三間東西二庫提調府廳局官廳以下共計房屋七十餘間又置圍牆立中門內有房屋百二十餘間分為織羅二作有古井一避火園二弘治間葺東至西河街西至運司河街南至藩司牆北至臺後橋河一帶

國朝撤中官而掌以內務府官織造

御用袍服順治四年督理杭蘇織造工部右侍郎陳有

明重修

陳有明織造府碑記織造有東西兩府東府為駐劄之地西府則專設機張兩府圯

壞過多悉為整理題其廳事之顏曰天章首煥復於東府自堂簾卧室之側悉置匠作以供織務荒蕪整頓煥然一新繪圖立碑以識久遠

康熙四十五年織造孫文成

捐修東府預備

聖祖仁皇帝南巡駐蹕繪圖勒石焉復於大門之外購買
民地開濬城河以達湧金門大門內為儀門為甬
道為大堂康熙九年

御書敬慎二字額懸正中三十八年又

賜鸞鶴情三字扁額後有二堂四十六年

御題竹風清聽堂後為宅門為衙堂為內宅門為住房為
大庫府之外復有織染總織西府三局年久傾圮

雍正八年織造許夢閔捐貲重葺

北新關戶部分司

在武林門外
江漲橋北

嘉靖浙江通志明

初差御史監生開辦課程或戶部官監收船鈔未
有定制景泰元年差戶部主事於蘓杭二府專掌
之始建鈔關於此六年罷主事歲委府官收鈔成
化四年併鈔關罷之七年復鈔關故俗稱北新關
云杭州府志署之制濱河為前廳外為坊為關關
北為委官小署廳後為儀門中為正堂後為寅賓

所堂左為宅宇為書室折北為拱辰樓為亭沼右為庫房吏書房儀門外為土地祠書冊房

國朝康熙五十五年停差戶部官北關錢糧交與巡撫監收雍正七年總督管巡撫事臣李衛題准將南北二關稅務交與織造管理

南關工部分司

在芝松二苗巡鹽察院之西

萬歷杭州府志明

改市舶司為之本宋德壽宮後園址永樂中命內臣掌海舶互市成化七年設關抽分木稅建署於

候潮門外俗稱南關嘉靖三十六年燬員外李方
至重建改令處

國朝康熙五十五年停遣工部分司南關錢糧交與巡
撫監收署遂閒曠雍正四年

特設浙江觀風整俗使就南新關督權衙門駐劄重加
修整雍正八年停差觀風整俗使仍稱南關衙門
云其制中為冰玉堂前為露臺為甬道為儀門為
大門東西為吏舍堂後為川堂為後堂西為使宅

又西為靜觀堂舊名梅花廳扁曰梅石雙清堂之
前有活石亭今圯芙蓉石在焉石出土高丈許巖
竇玲瓏蒼潤欲滴篆曰鐵雲傳是宋德壽宮舊物
傍豎斷碑刻藍瑛所繪古梅一本枝幹如生迤西
為耳房為西廂房為書房西南為書廳儀門外東
為土地祠題曰觀梅古社

布政使司

在清和坊迤
西面蛾眉山

嘉靖浙江通志宋南渡初

為殿司寨尋改安撫司復改祕書省元至元二十

六年自揚州遷江淮行省於此并開元宮址廣之

改曰江浙等處行中書省至順壬申重修

柳貫重修省府

記至元二十六年制改江淮行省為江浙行省自
淮徙治錢塘統有兩浙江東而以淮東西分隸河
南明年始營宋祕書省故地其制視都省稍殺焉
後福建省罷全閩八州亦併來屬地蓋益廣山區
海聚民伍兵屯奉贖租受要約者衆以數百萬計
出號施令風動雷行東南半壁藩維晏然朝廷常
選重臣以臨蒞之初任專則其體範宜特隆位望
尊則其禮制宜特異臺門設樹平津開閣所以辨
堂廉而示尊威者其品式昭昭具矣宰臣若曰吾
為天子專制方面權綱攸繫有翼有嚴其命蕃僚
相時露敗完舊節新無陋無奢中茲度程乃出綰
於府徵材於市工用宮衛役用農隙昉自堂庭達

於門闥易利弊為堅良化葺闥為麗密堦城瑩淨
聖艱鮮新觚稜藻井動采交輝表漢廷之黃閣映
中天之紫垣百司庶府奔走承命者咸改視易聽
以為士大夫之治於其官猶人之修於其身也身
修則心正而物正官治則事治而民安德則視諸
其身政則視諸其官一省署之修舉而元僚學問
之素蘊畢見於斯觀隅知室聞萬歷杭州府志至
樂知德信斯言哉至順壬申記

正月初燬三年丞相伯勒齊爾布哈復拓其制明洪武
九年改今司署永樂十七年火宣德間左司黃澤
重建嘉靖元年左參政顧璘重建紫薇樓於堂後

唐龍重建紫薇樓記晉太康初置中書省以平章
政事省中植紫薇華唐開元中改為紫薇省元於

外道置中書行省我朝改布政司後有堂重之以樓題曰紫薇嘉靖元年顧公璘鼎建而紫薇之名不易也

國朝順治十五年重建大門曰膏澤門前臨百獅池跨以石梁門以內為甬道為儀門為屏門題曰藩屏重地曰岳牧崇瞻北為露臺正中為紫薇堂康熙三十六年

聖祖仁皇帝賜額曰承流宣化四十二年

御書清慎勤三字奉懸正中後為二堂扁曰行中書省仍

元時舊額也旁列東西二坊進東為使宅門榜曰
紫薇公署進內為二門為大堂題曰靖共正直中
奉

御書福字額雍正十年

賜布政使

臣

王紘內為宅門為絜矩堂中奉

御書福字額雍正七年

賜前布政使

臣

程元章堂左為廳事三楹上奉

聖祖御書振鷺初飛四字額南為書室更東為舫齋西為

一琴書屋舫齋之南有重樓傑峙曰四照樓

舊名天香

樓絜矩堂之北為正樓五間平房五間左右夾廂

東為耳房三間內書室五間後有園舊名後樂有亭曰後樂亭亭下有松化石疊石為山以在使宅之西因稱西山紫薇堂之右為督糧道署儀門之左為經歷司使宅之南為土地祠為照磨所儀門之外東為理問廳西為寅賓館更南之西為資盈庫規制宏敞實稱東南首藩云

按察使司

在前洋街
紀家橋東

嘉靖浙江通志故宋岳武穆

王宅也紹興三十一年以宅為太學學燬元大德

中改為肅政廉訪司明洪武初改提刑按察司仍

其舊址萬歷杭州府志洪武二十七年重建堂後

有一清樓歲久圯成化十年按察司戴珙重建為

堂并營夾室徙民居闢道南出規制始稱

夏時正
按察司

修建記司治元江南浙西等處肅政廉訪司舊治

也舊址莫詳創始國朝改為是司堂後有樓名一
清將壓弗支正堂以下亦復頽敗漶漫弗鮮兩廡
逼隘弗容外門低小弗稱皆非所以聳人瞻視成

化癸已戴公來長憲令行政清民物安堵因葺廢
舉陞詢之父老謀之寮案按籍得在官羨餘計若
干及令諸道分司亦以羨來計若干盡畀之鳩工
集材肇於歲之甲午九月落於丙申四月樓撤為
堂仍以樓名名之堂左右為夾室堂之前別為堂
曰協恭東西為軒曰蓮桂曰來鶴正堂儀門則增
飾之闕廡使東西各丈餘而外門特高大馬門之
南去民廬不百十尺氛囂接堂陞遂召民而告之
民皆願他徙公盡以地之在官者與易而復給其
徙之資於是自甬道南出矢直砥平檜柏夾植蒼
然整列設屏以蔽內外建坊以按察司三字題之
外則長生街街東西復建坊東曰端本西曰澄源
由街東出則睦親坊外臨通衢別建坊曰弼教西
抵城址白龜池之上池即唐李泌所置六井之一
建坊曰肅政由是堂室門使宅之東為嘉湖道宅
廡高明朗徹氣象不侔矣

杭嚴道宅清軍道宅巡視海道宅溫處道宅金衢道宅西為水利道宅驛傳道宅提學道宅

國朝設按察使司裁併道員其現設者則分設各道署而司署仍其舊署之制中為大堂康熙三十八年

聖祖仁皇帝御書廉察之寄四大字

賜按察司于準四十六年

聖駕巡幸至浙復

御書存素堂扁額俱崇奉正中前為露臺為甬道為儀門

為大門東西廊為六房吏舍後為川堂堂勒

御製按察使歲川堂之後為同心堂

吳伯通同心堂記正統庚戌浙江按察使

于大節以凡事務歸於大公至正使同官者皆易知而易從焉更名廳之堂曰同心更後為

使宅二門之外為忠祐忠節二祠西為土地祠為

禮賢館大門外東西列二坊曰激揚曰振肅又東

為岳忠武王祠為經歷司為照磨所西為司獄司

又照磨所之東創為候審所雍正八年糧儲道朱

倚瀚捐建

朱倚瀚書侯審所始末候審所余署臬篆捐養廉創設也人犯解司文到即投

隨發分禁無許時刻逗留留法綦嚴矣間或暮夜抵省文不及遞不得已仍帶至客寓門無防禦守土官又不及聞知設有疏脫誰其任之且銀鑰梏桎或棲廊廡或受羈束聞者不能無動於心去臬署不數武適有官地建屋三楹東西各五楹外為大門周以垣牆不浹月而頓舍有所疏闊無虞又撥民壯十名專司防守其工食歲修則稽官地所餘賃之民間者集其息時給之此又長外臺者之責非署篆所敢知也

雍正庚戌八月書

糧儲道

在布政司南一在司二門內西

錢塘縣志在蛾眉山麓與

布政司對舊名南堂

郭子章題名碑記萬歷己丑冬余由蜀督學稍遷浙藩受

檄糧儲兼理漕政分署在司南跨吳山之陰踞蛾眉山之椒窰月北連西湖右繞直隸其巔則林麓翁

翳禽鳥間闌如坐翠微凝眸遠睇則城市山川臚列在望土方氏謂地不華離若踞而候若攬而有宛委回環宜土樹舍以故高賢名卿多出署中

國朝康熙十二年參議劉昌言重建漸圯雍正九年糧

儲副使道朱倫瀚鼎新之

朱倫瀚重建南堂記布政司南蛾眉山椒有糧

儲道舊署自前道劉君昌言徙藩署之西別建內署而南堂舊解走毬廳叢荆棘廢棄者垂六十餘年內署既偏窄非治事之居而南堂又日就圯圯用所不足而棄所有餘為兩失矣余受任之三年上之制府制府允議遂諏日鳩工葺毀創新綠舊制而參以地勢所宜前為大門與布政司相對迤東為二門門以內為大堂堂之後循階而升有亭一方周設廳檻俯瞰鱗櫺顧曰光明洞達再上為

內署再上則已躋山巔

聖祖仁皇帝御碑亭在焉自堂以後三歷階階率三十級

翼以修廊挾以外廡吏直賓次環列有所費不及
公役不厲民始事於辛亥之冬閱兩月告成董其
事者布政司經歷陳廷訓
理問高鑒千總王憚也 又布政司內紫薇堂之

西舊有督糧道署因南堂廳事後逼近山麓解宇
無多故於總司二門之內別建內署而以南堂為
外署出而視事焉署門東向題曰紫薇清署進內
為二門額曰春臺南向更進為籌國堂上奉

聖祖仁皇帝御書朱子書字銘後為衙堂康熙四十六年

御題祇勤二字額奉懸其上壽國堂之西為亦軒右有隙

地為箭道閱衛官騎射軒之南為舫室顏曰虛舟

皆雍正七年督糧道朱倫瀚捐建

朱倫瀚亦軒記糧儲道自康熙

十二年劉君昌言因南堂逼近山麓遷布政司之西偏為紫薇清署堂廡卑隘每遇兌發之期弁丁擁擠不稱觀瞻脫有他事或僚屬往來求寸隙地容膝不可得也堂之西有屋數椽屋西南則曠為廢圃者幾數十弓謀創為退事之居而圃缺其西偏不能徑直詢之屋外則民間壞牆無所用余遂捐貲購之徹牆得地數尺鳩工掄材結屋三楹雲居月偃不招致而爭妍聳秀絡繹簾旌屋角間其南復建舫室以為暇時寧息之所舫室之西則闢箭道是即所為廢圃數十弓也舉眼看青山捲臂

作餓鳴聲斗室中具足境界糧儲道始有接見賓客考驗弁員之地然不事雕刻無丹青之飾工竣而顏之曰亦軒昭其儉也

衙堂之西為樹滋書屋堂後住宅年久傾圯復捐建凝暉樓五間兩傍俱增置夾室寢處庖湍始備

鹽驛道

在湧金門內太平坊

兩浙鹽法志宋乾德後增置諸

道轉運使太平興國三年開兩浙路轉運使署於鳳凰山雙門內為南北二衙熙寧間移置於湧金門內元至元十三年改為都轉運鹽使司

嘉靖浙江通志

宋兩浙轉運使職司漕挽諏民利病鹽課特明因其兼領耳元改都轉運鹽使司專掌鹽課

之

國朝康熙四十九年改為鹽驛道署東瀕湧金河跨石梁為轉運新橋建譙樓其上東向進西南向為計臺門為玉帶橋水通湧金池環署合流曰環帶河入為甬道為儀門為露臺為經略堂左偏為經歷廳右為照磨所東西廊為六房吏舍堂後為川堂為絜矩堂西為使宅有宅門有堂曰思補內有五

間樓西為書廳後臨湧金池為水閣外有運副運判署分列於二門之內外如左右翼計臺門以東為將盈庫西為架閣庫前對黉宮後連駐防營規制尤整肅云

寧紹溫台分司

在鹽驛道大門內西

兩浙鹽法志明置兩浙

都轉運鹽使有同知副使判官為之貳又設嘉興松江寧紹溫台四分司而以同知領松江以副使領寧紹嘉興溫台則兩判官分領之寧紹分司舊

在紹興府治之火珠山側即宋錄事司故址也元
大德間建明因之

國朝康熙二十年裁運判一員并溫台分司於運副而
紹興之署亦久廢不居今解在運司計臺門之右
門東向進西為二門為作和堂南向後有二堂有
三堂迤西為內宅折而西為六漱軒引環帶河水
為池運副謝棠題曰漱灑餘波

嘉松分司

在鹽驛道
二門內東

兩浙鹽法志舊制以轉運使

同知領松江分司而嘉興分司則運判專領之松江分司署舊在下砂鎮宋建炎中置明嘉靖癸丑毀正統間遷於新場鎮之北今廢嘉興分司署舊在嘉興府治廣平橋西即招提寺址也南為寶花倉今亦久圯

國朝康熙四十三年裁運同以松江分司併運判即遷運判於運同之署在運司二門內之左門西向東入為二門南向有堂曰清鑑後有二堂凡三進制

與前堂埒折而東為書冊房又南為書廳

海防兵備道 雍正十一年新設駐劄海寧

督標中軍杭協水師副將

在營如坊

舊浙江通志分守

杭嘉湖道

國初改為會議府後改為城守副將署

舊設浙江督標三營官康熙二十三年裁併福浙

總督雍正五年巡撫

臣

李衛奉

特旨陞授浙江總督題改杭協副將為督標中軍官署

門東向題曰杭協鎮進內官廳三間儀門三間南向居中大堂三間舊額至公堂康熙四十五年杭協副總兵官吳開圻更題曰問心堂堂之東為廳

三間曰思繼堂開圻子進義亦居是職故書是額

吳進義思繼堂題額跋曩者家君鎮此三載移節章安今余自章江調任茲土相去二十載每思家君以右榜一甲第三出典戎務

聖恩

優渥志在潔已愛人忠誠報國余媿謏材何能

仰繼惟黽勉職業雖自公之餘亦不敢少圖暇逸爰新斯額漫綴數語以誌吾志云爾

堂西

箭廳三間雍正四年陞任崇明總兵官李燦建堂

後為宅門門內正樓五間雍正七年九月吳進義
捐建題曰湖山湧秀餘為羣房廚房硝房馬房皆
先後添葺

撫標中軍參將

在城隍牌樓
內南首夾道

浙江撫標兩營舊設

游擊一員雍正九年改撫標中軍游擊銜為參將
署在紫陽山之左門南向進內為儀門為大堂為
住房為書房為羣房去通江橋不百武密邇院署

謹按公署與職官相表裏例叙文職於武職之前
故省會則先督撫而後駐防都統各郡則先道員

而後總鎮先府廳而後副參游都惟提督總兵官
雖駐劄寧郡而統轄全省水陸故特叙於道府之
前督撫中權均有表率之任故連叙於道員之後
查舊志公署不列武職未免闕略今補載至守千
衛所等署既無舊籍可稽其駐
劄處所已略載兵制茲不複見

貢院

在觀橋東

萬歷杭州府志宋時在觀橋西新莊橋

東元時在祥符橋明洪武初在府學西即仁和學

基也其後人才寢盛又以嘉湖二府來屬地狹不

足以容席舍天順三年改令所乃仁和倉舊址也

成化十年左布政使張瓚克拓而增飾之

商輅重修貢院

記近世試士之所謂之貢院重垣薦棘防範既密去取尤嚴禮法並行不相悖也浙江東南巨藩人才科目視他邦為盛舊貢院在郡庠西已而遷至東北五里視舊地寬廣幽靜重門高墻內外謹嚴歲月既久寢至頽圯成化甲午當開科之歲左布政使張公瓚右使甯君良按察使戴君珙圖惟修舉以事白之巡撫劉公敷議克合遂鳩工掄材筮日舉事朽者更之腐者易之卑者崇之隘者廣之廢缺者補之漶漫者增飾之悉從改制工出於在官之役財出於公帑之羨無擾於民經始於是歲春正月至夏六月告成規模宏麗甲於他省馳書來京屬余記予惟科目取士禮也防閑之者法也法輔禮而行禮因法而成此貢院之嘉靖四年巡修建所謂澄源端本急所先務者矣

按御史潘倣新選秀堂至公堂拓明遠樓築瞭高

樓規制大備

王守仁重建貢院記浙之貢院舊在城西嘗以隘遷藩治之東而苟簡仍

其舊嘉靖乙酉復當大比監察御史潘君敏實來監臨與諸司之長佐慎慮其事而預圖之慨規制之弗備弗飭相顧而言曰凡政之施孰有大於舉賢才者而可忽易若是乎於是新選秀堂而軒於其前為三楹新至公堂而軒為五楹庖湢器具無不備又拓明遠樓為三楹而崇其上三簷下疏三道創石臺於四隅而各亭其上以為眺望之所森嚴洞達供事者莫敢有輕忽慢易之心而就試者自消其回辭匪邪之念不大聲色而政行令肅觀向一新是舉也其必有才德行誼之士如三代之英出而應諸君子之求以成天下之治也

二十五年巡按御史楊九澤

易南隅民居闢路遷門復加繕治

國朝德教覃敷人文蔚起每舉賓興之典輒加增葺因
應試者多至數倍舉子號舍舊設四千八百五十
間康熙二十三年巡撫趙士麟增建五千一百二
十間猶不敷用添取驕號五十年巡撫王度昭復
添建二千三百間共一萬二千二百七十六間直
省號舍之多無過於浙者院之制中為至公堂左
為監臨別署東為彌封所西為受卷所前南甬路
之中為明遠樓東西為文場號舍四隅為瞭高樓

甬路之南為坊曰龍門又南為儀門為大門至公堂之後為川堂為洗心堂東為監試署文冊庫謄錄所西為提調署為掌卷對讀所洗心堂之後為協忠堂更進為聚奎堂為正副考官署為五經房儀門之外東為供給所西為巡綽所大門外東為三司廳西為外供給所東西長廊為諸生候立處直南表坊曰天開文運東西坊二曰明經取士曰為國求賢迤南而西曰登雲橋立坊曰貢院雍正

七年欽奉

恩旨開科總督臣

李衛因貢院年遠坍塌酌撥備公銀

兩飭總理官將聚奎堂明遠樓及四面瞭高樓重
加拆建并葺東西文場舉子號舍盡甃磚石重修
主考房內外整肅規制一新

演武場

一在錢塘門內
一在候潮門外

舊浙江通志宋景靈宮及

錢塘縣故基元初改為教場明因之每三年舉武
士試馬步箭及每年按撫練兵都指揮操演官軍

之所其制西倚城東南北三面繚以垣墉地廣三百一十六丈東南為門二中為演武堂

國朝設滿漢駐防官兵以錢塘門教場為駐防營較閱之所其督撫操演官兵及武闈大比俱在候潮門外櫛木營面南照牆一座將臺一座東西鼓亭二間正中官廳三間題曰演武廳進內川堂二間二堂三間額曰耀德揚威右偏看樓一間左首為廚房為守宿房南為馬王廟北為關帝廟雍正七年

總督臣李衛重建

以下各府演武場俱詳見兵制不重載

皇華館

舊名虎林書院在清和坊北大街

舊浙江通志虎林書院

明撫院舊府也萬歷二十七年浙江巡撫甘士价建錢塘縣志明卜講堂於城中得撫院舊府改建前為大門署曰虎林書院中建明賢堂左右為門中為凝道堂堂後為友仁堂左右各建三館以待諸生肄業及四方來學者最後有藏書樓明季已廢人但稱舊府

國朝康熙三十二年建敷文書院於萬松嶺士子皆就

敷文肄業舊府舍宇傾圯僅存堂屋數楹因地處

城市之中人居稠密向為朔望宣講

聖諭之所雍正八年四月改為皇華館

李衛改舊府為皇華館記大臣

受天子命建節一方則官吏之賢否民生之休戚軍政屯牧之整飭廢興人心風俗之表率化導無不舉而責之於身雖竭手足之力耳目心思之用勞神瘁精蚤夜區畫猶慮識見有所未周上無以荅聖天子倚畀之殷下無以慰衆士庶仰望之意其敢優游公府稍自暇逸乎哉余自雍正四年春

始蒞浙撫之任五年冬蒙

恩擢浙江總督仍兼巡撫鹽榷事旋

命節制江南加兵部尚書太子少保受

國厚恩至深極渥凡地方事宜雖綆短汲深而此心不敢不盡數年以來諮諏採訪於江海塘岸之隄防湖河淩堰之修濬田疇水利之蓄洩城郭墩臺之備禦與夫橋梁道路圯閘營房築壩開渠古蹟賢祠等類凡有益於民生者設法籌畫次第舉行

幸費不浮靡而事得粗辦獨念

國家賓興大典三歲一舉秉尺衡文之使來茲土者

詔旨或有經由差審事件其呈報暫駐之地亦當為之

重體統肅關防而民居湫隘喧呶雜沓非所以尊王人而慎事機計當專設一館然鳩工庀材動糜帑

課存之于心非一日矣鳳山門之北有明時撫院舊署昔人名虎林書院後則用為講約之所夫宣

講

聖諭當令遠近士民無不觀聽令泥於一方就近院署

草率了事則省城周圍數十里土著之人東西散處安能每逢朔望羣趨畢集且近處闌閭朝夕往來不過擔漿負販之徒聽聞歷久漸將視為具文余下車以來酌地遠近分設十門內外以次輪講俾僻遠細民咸聆聖訓以無負

聖天子諄諄化導之至意而此處又經年累月鎖鑰塵封矣屋無人居遂成虛設頽殘牆堵剥落磨牙日且益甚因念向為

欽使謀一專設之館舍此奚擇而可任其傾圮哉遂蒞告日捐公費以集事選屬員以經理毀者復之壞者修之堂若干楹寢若干楹停車馬舍廉從以及吏胥職役居處共若干楹門鑰有禁庖湢具備丹堊粉繪煥然一新而此外於藩伯署前又整修一公所為副使居停之地由是兩浙省會之區緇衣適館不致僮僦民居喧阗雜沓豈非一舉而兩得

者乎然創之不易守之更難賓興鉅典例逾三載往來星使亦非久居則此署仍多閒曠恐將來按年修葺又無經費計惟浙省提鎮以及分巡外道多駐劄海濱省城向無行臺議令嗣後公事至省亦得於此二處駐節每次既省餽寓之值亦可量助歲修之資則又人有所止費有所出可以垂之永遠而不廢是亦政修事舉之一也爰誌經理之日月書其事而勒諸石時雍正八年歲次庚戌清和日記

杭州府

杭州府治

在豐寧坊竹園山

成化杭州府志漢以來皆治

於武林山隋以來始治鳳凰山唐及五代前宋皆

因之建炎以後即其地為行宮而守臣始於竹園
山建治所嘉靖浙江通志吳越錢氏即州治建國
至宋納土以其國為州治高宗南渡改為臨安府
因築行宮於鳳凰山遂徙府治於今所元末為杭
州路明洪武初改路為府即舊址以建府治萬歷
杭州府志弘治十五年知府楊孟瑛修
楊孟瑛修府治記予
自刑部郎中出守杭郡及門門圯升堂堂敝退食
於寓吏柱岌岌勢幾仆謀之二守杜君克善告於
巡按得報可取資於公帑屬杜君董役樽節費出
懲勤情勤閱十一月訖事表觀望嚴啓開為重門

為楹間者三度版籍藏貨財為府庫為楹間者亦三罪有重輕故獄有外內為楹間者五十有八羨材無所於委於是貫堂之後以延賓客而守所寓與二守所視事廳咸更新之費公帑千六百緡有奇用人之力稱是自記顛末著杜君之勤志區區之不得已也

嘉靖二十一年知

府陳仕賢重修親賢館

國朝康熙十三年知府嵇宗孟重建府治二十四年知

府馬如龍因川堂久廢重建顏曰越石堂雍正八

年知府喬世臣重修正廳為蘓白堂

舊為體仁堂知府馬如龍

改令名杭州府志宣化堂元府治正廳也今體仁堂即其址

前為露臺為甬路

為戒石亭為儀門東西廊為六房解為架閣庫儀門之東為經歷司為土地祠西為照磨所正堂之

後為川堂為有美堂

成化杭州府志宋守梅摯建蔡襄書名勝志在吳山頂今

故址不存而府治後堂尚仍其名

又後為知府宅題其門曰清惠

公署內為敬事堂左有琴鶴堂後有樓曰極高明內署東為土地祠祀宋蘓文忠公軾正堂之東為清軍同知廳後堂西北為資盈庫為理事同知廳為水利通判廳東西廊後暨清軍廳東皆吏舍儀

門外東為親賢館為司獄司官吏解大門外為坊
一前臨河上跨石梁曰宣化左右石坊二東曰親
民西曰平政

謹按漢書郡國志沛國有刺史治伏查康熙字典
云凡州郡所駐曰治又訓治為理故唐書地理志
亦稱州理是理與治即署也猶言出治之
所也舊通志凡府縣署皆曰治今從之

清軍總捕同知

在府二
門內東

中為理法堂左右為吏廊

後為川堂為退思門東為土地祠進內為宅門為
衙堂曰比義堂後有樓為寢室為耳房東為書廳雍

正八年同知李飛鯤捐葺大門外有郡司馬坊

理事同知

在府堂西

錢塘縣志舊為理刑推官廳明萬

歷初推官王涖改碧蓮館為之在縣治西

國朝康熙六年奉裁令改為理事廳

東塘海防同知

雍正十一年新設駐劄海寧

西塘海防同知

雍正十一年新設駐劄海寧

督糧水利通判

在府二門內西北

杭州府志府後堂西北

有局糧水利二通判廳令局糧改理事同知其糧

務歸併水利廳分署通判廳在城東北塘樓鎮嘉
靖二十五年督撫胡宗憲題請增設主捕盜令奉

裁

杭協中軍都司

在保安坊

署東向大門三間左右廂房

五間土地祠一間儀門三間大堂五間左右廂房

六間川堂二間書房一間二堂五間左右廂房二

間後樓五間左右廂房各三間東首馬神廟三間

馬房三間右首箭廳三間康熙七年創建

錢塘縣治

在府治右

萬歷杭州府志魏漢時在靈隱山

麓後徙錢湖門外唐武德四年徙錢塘門內宋南

渡後徙紀家橋華嚴寺故址

樓踰錢塘縣題名記錢塘古都會繁華甲

於東南高宗駐蹕於茲民物百倍於舊附郭二邑事體寢重他郡邑莫敢望紹興二十七年有旨錢塘仁和比開封府祥符兩赤縣中書擇才授任秩滿許以陞擢於是選任又重仁和乃錢塘之分故錢塘尤重焉紹熙二年宋君玠始至興治撥煩坐以無事裒集前任人名字刻石以記之使後有考

馬錢塘縣志明洪武四年知府劉文以附府署為

便徙今處在城西南之豐寧坊前臨吳山後帶湖

水

清波門湖水自流
福溝入宣化橋

國朝因之康熙五十三年燬署縣事樊琳重建正堂曰
如保堂甬路南曰戒石亭儀門曰朝宗首縣儀門
東為大門堂後曰亦保堂為內衙堂東西為庫又
東為典史解其西為丞解東西為六房儀門內東
為土地祠西為獄儀門外東為寅賓館西曰申明
亭旌善亭

仁和縣治

在府治左

嘉靖浙江通志梁龍德二年析錢

塘鹽官置錢江縣宋太平興國四年改今名舊治

在武林門內梅家橋西宋徙招賢坊

今興賢坊

紹定間

令胡巨卿重建

喬行簡重建縣治記仁和在吳越時為錢塘附郭太平興國三年錢

氏奉圖籍入朝改今名建炎南渡邑視赤縣縣宅莫詳締建之始紹定壬辰胡君巨卿來領縣顧瞻庭宇岌岌動搖凜乎將壓京尹余公捐錢四百萬俾更之令永命惟謹度財賦功增庫培薄易湫隘為顯敬自廳宇廊廡寢處庖馭無不撤其舊而萬新之率作興事不勞於民不愆於素是可書也

歷杭州府志元以附府為便徙今處洪武初復遷興賢坊舊浙江通志洪武四年知府劉文改元錄

事司為令治二十七年燬縣丞邵英重建杭州府志正堂為無倦堂東為丞宅西為典史宅土地祠在儀門外堂東西為六房中為戒石亭後為庫外為申明旌善二亭

國朝改無倦堂為明親堂縣門西向雍正九年知縣董怡曾闢東廡南出跨河為梁啓正門而局其西得嚮明而治之義焉

海寧縣治

在崇儒坊西
三思橋北

成化杭州府志宋太平興

國四年建七年令王昞重建正廳紹興元年令陳
恕重修元元貞二年縣陞為州廳仍宋舊延祐二
年學士趙孟頫書帥正二字為廳額元統三年判
官任惟勤重修海寧縣志明復為縣洪武三年建
官吏宅舍於廳之後正統九年令伍服重修弘治
十六年令孫旻重建譙樓至嘉靖十五年隳敝令
嚴寬新之萬歷五年令蘓湖重建

國朝順治十一年知縣秦嘉系又加葺焉治廳三楹顏

曰節愛明中丞溫純書中堂三楹為退思軒今復
為清愛堂後堂三楹原額帥正後住房三楹在帥
正堂後又耳房三楹陽春堂五楹久廢始復內書
室三楹在西側舊書室三楹在直北丞解在治廳
東典史宅在治廳西北儀門三楹外譙樓三楹解
宅後舊有圃圃有堂曰平政曰綠繞有亭曰錦香
曰仰高曰梯雲西廳之後有便室曰讀書林其側
曰進德齋花竹夾徑松檜參天為公餘遊憩之地

皆宋時遺蹟云

富陽縣治

在城東北

嘉靖浙江通志唐咸通間縣令趙

納建宋嘉定間令呂昭亮重建元末燬明洪武九年知縣楊敬儒建杭州府志呂昭亮始移本處宣德九年令吳堂更新之

國朝順治五年知縣朱陞臣重建康熙元年朱永盛增建譙樓九年知縣牛與建堂堂之前為軒為甬道為戒石亭為儀門後為川堂為後堂後堂之左曰

斐如堂堂後有樓周以新篁曰萬竹樓宋李彌高

揭扁於堂後東曰不欺室西曰讀書齋

明縣令吳堂作不欺

室讀書齋銘

堂左為典史宅又東為縣丞宅儀門外為

寅賓館土地祠縣門有譙樓

餘杭縣治

在苕溪之北通濟橋西

成化杭州府志按輿地志

治舊在溪南後漢嘉平二年縣令陳渾徙於溪北

宋宣和中燬縣令江表重建建炎間燬縣令張永

嗣復建乾道四年改創縣門鼓樓紹定癸巳令趙

希磐新之元大德五年達魯噶齊呼都克婁實克拓廣
之延祐二年縣令王昌又新之至正末又燬明洪
武二年臨安縣主簿黃思道署縣事重建永樂七
年知縣林源重修餘杭縣志正統間縣丞邱熙岳
重建川堂衙舍弘治元年知縣孫冕以譙樓太偏
儀門遷四十步許十五年知縣冉繼志復建後堂
嘉靖四年縣丞賈明通重修正堂增置衙舍知縣
曾玉山重修大門儀門六年知縣王確仍於後堂

東偏建思補亭萬歷三年知縣萬士楨重建譙樓
三十一年知縣程汝繼改建譙樓題曰清遠并改
堂衙創集瑞樓三十九年知縣戴日強建武林首
鎮坊

國朝康熙八年知縣張思齋重修內署衙舍添建南北
書屋各三楹後建寢室復以主簿舊衙廢址闢為
縣圃治廳東北為丞宅東南為典史宅

臨安縣治

在東市太
廟山右

臨安縣志宋以前治建高陸

鄉溪東石刻碑尚存宋景定三年令家之巽移建
西市保錦山明洪武初知縣袁思謙移置東市

國朝因之中為忠愛堂明袁思謙建後燬康熙二年知
縣楊琳重建六十年張淑郿重葺堂左為耳房庫
右為架閣庫前為戒石亭為儀門為大門上建譙
樓堂後為縣衙內廳樓二所有古柏亭亭參漢堂
東北為簿解奉裁廢東南為典史宅

於潛縣治

在石柱
峰右

於潛縣志唐武德七年以縣置

潛州治在豐國後鄉八年州廢復為縣徙治令所
宋政和初令韓瓘改廳事南向隆興初令葉衡於
廳事東築退思堂元慶中衡入相令邵文炳名其
堂曰袁繡元至元五年建譙樓明洪武二年知縣
梁誠增建門廡官解吏舍弘治十七年知縣嵇錮
重新正堂嘉靖二十四年令陳煊於後園鑿池築
亭其上曰後樂二十七年令汪石川改曰培竹

國朝順治三年知縣張予信重建治廳前為戒石為儀

門東為幕廳又東為知縣宅前為典史宅治廳後
為川堂為後堂儀門外為倉為獄南為譙樓門外
為保釐坊

新城縣治

在城南隅

成化杭州府志縣治自三國吳黃

武五年始置其署因革莫考

新城縣志唐長壽中建

宋紹定

六年邑令陳旼建治廳丞相鄭清之書縣額咸淳
七年邑令陳君寶建縣樓於儀門之南其丞廳簿
尉司皆在治外元至元二十六年縣尹韓復重建

縣廳至正末燬明洪武元年知縣徐弼重建新城
縣志弘治五年知縣林著建後堂川堂正德十六
年知縣梁相撤譙樓建大門嘉靖四年知縣李應
春克拓基址重建譙樓

國朝順治十八年知縣吳敏含建正廳康熙十年知縣
張瓚題曰親民前為架閣庫為公生明亭為儀門
東為土地祠西為君子堂南為譙樓川堂後曰深
清堂堂後為縣宅堂右為典史宅川廊西有種花

處上有旌蓮亭前有月池池外半畝花柳鮮妍梅
竹娟潔池有紅白蓮中架木橋四洞以通出入

昌化縣治

在唐
山南

成化杭州府志唐垂拱三年始置

紫溪縣治乃今於潛縣之潛川鄉也萬歲通天元
年析紫溪縣地別置武隆縣徙治於唐山之南其
後縣名沿革不一而皆治於唐山宋宣和中令錢
冰重建廳署昌化縣志元大德間達魯噶齊阿勒坦
重建至正末燬明洪武二年令李質徙山趾為儀

門治廳曰應宿堂嘉靖壬寅令馬逢伯改曰牧愛
堂廳事後為清白堂為知縣宅萬歷四十二年令
康萬有重構即其內書樓新之曰吏隱齋清白堂
之東有耳房庫西有滴翠亭左為架閣庫右為幕
宅南為戒石亭前為儀門門左為親賢堂右為土
地祠前為譙樓

浙江通志卷三十

欽定四庫全書

史部

浙江通志卷三十一

詳校官給事中臣戴璐

檢討臣德生覆勘

總校官編修臣倉聖脉

校對官學正臣湯垣

謄錄監生臣陸紹臺

欽定四庫全書

浙江通志卷三十一

公署

中

嘉興府

分巡杭嘉湖道

在府治西北靈光坊

嘉興府志舊為按察使

分司後改嘉湖分巡道

國朝康熙九年復為杭嘉湖分守道

舊浙江通志分守杭嘉湖道在鎮海

樓南後改駐

嘉湖二府

二十五年改為浙江學院公署雍正

四年杭嘉湖三府專設分巡道一員學院移駐省城嘉湖道衙門仍歸本道駐劄中為大堂前為儀門為大門東西為府縣候廳重加整葺一如舊制

嘉興府治

在城南隅

太平寰宇記秀州理嘉興縣本蘇

州嘉興縣地晉天福四年置弘治嘉興府志宋改為郡為府為軍府元改為安撫司為路皆仍其處至元嘉禾志嘉興路總管府衙在子城內舊府治也

嘉興府園記子城亦名子牆亦曰府牆園二里十步高與厚俱一丈二尺

弘治嘉興

府志吳元年改路為府正廳名端本堂後廳名清
香堂洪武中知府劉觀葺而新之

國朝康熙三十六年知府黃家遴重修以清香堂舊址

為道珍堂

朱彝尊道珍堂記太守廣寧黃公治其廨長水之南池中芙蓉雖小草而江淹之辭

垂實公嘉績之所召也芙蓉雖小草而江淹之辭曰一為道珍二為世瑞致之非易也郡治有清香堂其來久矣廢且百年公考舊址復新之儒者為政之道存焉宜其始建而珍果適應其瑞也請以名堂遂為雍正六年知府閻堯熙復修堂後為川文以紀之

堂為內宅堂東北隅為軍資庫西北隅為架閣庫

左為吏解東西為六房吏舍下為丹墀為甬路中立戒石亭儀門外東為土地祠祠南為延賓館折而西北為經歷司為照磨所儀門南百步為府門

宋景定中知軍陳頊葺

上有譙樓設鐘鼓左右有棖樓

嘉靖戊申

知府趙瀛修

南為屏門

舊為照牆明萬曆中知府龔勉改闢

東西石坊二

曰承宣曰撫字

康熙元年知府劉漢傑修

承宣坊東為總捕廳

康熙五十七年移駐乍浦今改城守都司

撫字坊西為總巡廳屏門上

為坊題曰首藩名郡

海防督捕同知

在乍浦所南門內

平湖縣志舊為把總司

署

國朝康熙五十七年改為駐防公署

督糧水利通判

在撫字坊西

舊嘉興府志明弘治間知

府柳琰建

國朝康熙三年通判改作霖重建中為正堂前為東西

吏廊為儀門門東為賓館前為大門廳後為內宅

有重門廳軒寢室翼室

校士館

在府治西北靈光街

嘉興府志弘文館即布政分司

明崇禎中知府鄭瑄建為督學校士之所相傳為
宋監倉東廳中為大堂後為川堂為寢室後有亭
東為書房西為庖室堂東西為號廠前為儀門東
為賓館西為土地祠大門外東西為府縣官候廳
外有坊二曰文章司命曰風教提衡

嘉協副將

在府治西北

嘉興營原設副將一員順治十

一年改設遊擊駐劄海鹽康熙五十年福浙總督

范時崇題改遊擊為副將駐劄府城彈壓七邑五十四年副將何肇彩增設衙署

協標中軍都司

在府治東

嘉興府志即舊察院基初為

推官署

國朝康熙六年推官奉裁改為同知署五十七年同知移駐乍浦雍正六年添設都司改為中軍都司署七年都司呂上懋重修

嘉興縣治

在府治東北二百步

弘治嘉興府志晉天福中陞

縣為州即縣治改州治而別建縣治於此宋元及明因之宣德八年縣丞傅霖重建公堂軒廳正統間知縣王錦重建譙樓舊嘉興府志弘治六年廳堂燬七年知縣黃澤再建

國朝康熙六年知縣金塘闢照牆為坊表十四年知縣梁冲霄重建譙樓二十一年知縣何鉅重建延賓館修葺後堂中為治廳廳西為丞廨西北為簿廳東為尉廳右為軍器庫西北為架閣庫治廳之前

為甬路為戒石亭左右為吏廊前為儀門左為延賓館為土地祠右為獄又南為譙樓治廳後為川堂為燕堂直北為縣宅有凝芬亭亭西為修廊為來鶴軒前有壁山稍折為靈官祠為琴書室

秀水縣治

在府子城西北一里

弘治嘉興府志明宣德五年

吏部員外郎李亨相地於此嘉興府圖記知縣趙忠始建舊嘉興府志萬歷間知縣李培修

國朝康熙三年知縣王廷機葺堂署廊廡重門十二年

知縣李見龍重修大門中為正堂曰節愛堂右為西耳庫南為甬路為戒石亭東西為吏廊又南為儀門左右各翼門又直南為大門縣堂後為川堂為後堂直北為公廡堂後堂之右為軍資庫架閣庫東北為縣衙儀門外左為土地祠延賓館右為獄南抵大門為東夾道夾道之北為丞署折而東為簿署東北為尉署治北為縣圃有池為亭曰嘉禾亭

嘉善縣治

在府城東三十
六里魏塘鎮

嘉興府圖記明大理卿

胡槩度地定基弘治嘉興府志宣德五年知縣鄭
時領印開設正統六年李遜繼知縣事凡未備者
漸加增飾規制頗完嘉興府圖記成化中知縣汪
貴弘治中吳傑嘉靖中縣丞倪璣皆增葺之嘉興
府志崇禎間知縣馬成名以治基前昂後窳鳩工
改建

國朝順治十三年知縣方舟重建泚政堂康熙十一年

知縣莫大勳十六年知縣楊廉相繼重修堂後為
燕堂為內宅為對越堂正堂東為大庫西為架閣
庫前為甬道為戒石亭兩翼為吏廊南為儀門門
內右為軍器庫西南為土穀祠祠西為延賓館後
為獄又直南為譙樓儀門外西為丞署東為簿署
為尉署

海鹽縣治

在城東北隅

嘉靖浙江通志唐以前徙置不

常開元中建於今治之右陸居仁帥正堂記元泰

定丙寅達魯噶齊布呼齊改建廳治

國朝康熙五年知縣湯其升重建縣門中為正堂堂北
為清心堂明令李當泰改名雙瑞移清心名後堂
正堂右為架閣庫為軍器房前為甬路為東西吏
廊為戒石亭外為儀門西為土地祠南為鼓樓為
親民坊西為鹽廩為賓館儀門內左為丞署儀門
外左為簿署為尉署

石門縣治

在城內
運河塘

嘉靖浙江通志崇德縣治晉天

福三年置宋建炎兵燬紹興二十四年令黃揚復
建弘治嘉興府志元時陞為州明洪武元年改州
治為縣治嘉興府圖記明正統中知縣焦寬弘治
中吳浚湯沐正德中洪異典史李滋皆建葺之石
門縣志天啓間知縣陳宗湯重建正堂顏曰作新
國朝康熙元年改崇德縣為石門縣作新堂之後為四
知堂順治十年知縣陳邦寄修改曰敬事堂庫在
後堂東北令宅在後堂後康熙十二年知縣杜森

改建衙堂曰勿欺後又改曰思敬其西有園萬歷
辛丑陳令允堅闢中結四桂為亭榜曰臥月丞宅
在庫東簿宅在正堂西尉宅在西堂東前為甬道
為儀門東為延賓館東南為土地祠更東為儀仗
庫前為譙樓

平湖縣治

在當湖鎮

嘉靖浙江通志明宣德五年知縣

王簡建正統中知縣徐韶重建弘治四年知縣林
奇拓而新之嘉興府志天啓中知縣顧國寶修平

湖縣志大堂曰忠愛

國朝順治十八年知縣金鉞重建改忠愛曰潔愛堂東北曰永盈庫架閣庫前為戒石亭為儀門西為獄為上穀祠為儲鹽所右為賓賓館左為簿署外為譙樓堂北為川堂又北為燕堂東為軍器房東北為內宅中有廳事西有花香亭觀月臺堂東北為贊政廳龍亭庫又東北為丞署南為典史宅

桐鄉縣治

在梧桐鄉鳳鳴市

弘治嘉興府志明宣德五年

設知縣王用和草創廳事趙中建正廳嘉興府圖
記天順初張泰成化中孟俊梁敬弘治中王昊正
德中任洛皆葺治之堂後為燕喜堂舊名和衷堂
和衷之後左愛棠軒右仕學齋

國朝順治八年和衷堂燬康熙間知縣徐秉元重建又
孫郁修建池亭正堂右為架閣庫燕喜堂左為儀
仗庫前為甬道為戒石亭為東西吏廊解東為丞
解縣治外東偏為簿解丞解前為尉解

湖州府

湖州府治

在子城內正北

萬歷湖州府志吳寶鼎元年建

即烏程縣故治也嘉靖浙江通志唐弘道中刺史

武太沖增拓修繕後梁檢校少保錢傳璟重作廳

事湖州府志宋元祐七年知州事張珣增建元改

為湖州路總管府至大間總管馬煦建廳事解字

至正五年達魯噶齊沙木斯迪音重修

字大公諒重修府治廳記吳興

為東南望府天目分秀雙溪合流金蓋諸峯峙其
前蒼卡具區亘其陰民俗文雅清醇素稱易治王

謝頴蘇之流風猶可尚也舊治重建於至大間垂
四十年棟宇欹橈牆壁頽圯至正五年冬今郡守
沙木斯公念民久困不忍輕用其力於是計募生
積鏹斥去浮費取其贏餘擇吏之廉能者董其事
未幾完舊益新門廡赫奕廳堂邃嚴獻府幕僚靡
不周葺垣墉堅茨工告畢役而民殆未始知也於
是頌公之德而樂其有明洪武三年知府侯善新
之天順四年知府岳璿重修成化九年知府勞鉞
復新之隆慶五年知府栗祁重修中為正堂左為
豐德庫右為架閣庫堂後為軒為後堂顏曰魯公
舊治正堂東為經歷司西為照磨所東西為吏廊

前為戒石亭為儀門左右為榜廊東為迎賓館西
為司獄司又前為譙樓知府解在後堂後有畫錦
堂在郡宅東訟希齋在廳事西郡圃內有逍遙堂
思政堂清樾亭挽翠亭歲寒亭

督捕同知

口在烏程
縣烏鎮

舊在府治

國朝康熙元年移駐烏鎮改烏鎮捕盜同知十八九年
間因衙署坍塌仍回郡城雍正四年巡撫臣李衛
復題請移駐烏鎮以資彈壓六年設立烏鎮駐劄

衙門

管糧通判

在子城內

萬歷湖州府志宋治平三年張大

寧建明嘉靖五年通判胡淪即養濟院舊基改建

萬歷二年知府栗祁重修中為正堂堂後為川堂

燕堂為內宅前為甬路為儀門為大門廨內舊有

麗澤亭

校士館

在府治東南

修建年月無考中為大堂東西為

號廠前為儀門為賓館為大門門東西列府縣候

廳堂北為燕堂為內宅

湖協城守副將

在府城
縣橋舖

烏程縣志舊係民房改建

協標中軍都司

在叢
桂舖

烏程縣治

在府治
西一里

萬歷湖州府志舊治在子城內

即今之府治晉義熙間遷唐時肇建廳事烏程縣

志宋大中祥符間知縣薛耀卿重建湖州府志乾

寧三年知縣余蟾重修

楊夔重修縣治記余公再
尹烏程節冗費之用資贖

辟之金財以儉而蘊人以悅而使不期年而衆宇
鼎新若換大門中門修大廳小廳砌縣之外城創

宅之周垣修衆僚之宅制公廳什器公帑推敗乃
擇堅選宏厚厥垣嚴厥闔扉顏危乃剡積弊滌
宿汙席以潔其榻食以茹其餘公前任日崇修聖
祠為文繼功今復樹此弘烈蓋以慰縣人之思也
元至正十二年達魯噶齊烏納格齊重建增譙樓
戒石亭明洪武二年知縣危止重建正德十三年
知縣陶益修嘉靖三十六年知縣蔣弘德重修

國朝康熙十四年知縣高必騰重建治廳曰懷保堂後
為軒為後堂東西為耳房為庫廳東為鹽廩前為
甬道為戒石亭東西為六房又前為儀門西為架

閤庫儀門外東為賓館後為土地祠縣廨在後堂
後明景泰間知縣宋彬建內有相國池有亭名東
亭廨內舊有公生明軒製錦堂丞廨在縣堂東南
簿尉廨俱在廳事西

歸安縣治

在子城
東一里

萬歷湖州府志宋太平興國間

置宣和四年縣令錢耕重建廳事元縣令呂儀增
建後堂達嚕噶齊克呼復撤舊新之明洪武二年
重建十一年知縣陳良修嘉靖四年知縣劉迥重

修三十年知縣張師价重建縣堂堂後為川堂為
後堂解內舊有敬臨堂絃歌軒拙齋雙桂堂今有
尊美堂治廳前為甬路為戒石亭為東西吏廊為
儀門為賓館為土地祠為大門儀門內東為丞廳
極東為簿廳治廳西為尉廳治前有溪光亭瀕溪
長興縣治在城內西北隅太平寰宇記本漢烏程縣地初
置於富陂村晉咸康元年徙箬溪北隋大業十一
年徙於夫槩王廢城唐武德七年始移於此嘉靖

浙江通志宋開寶六年重建廳事萬歷湖州府志
建炎三年燬紹興五年縣令張琮重建紹定二年
縣令史巖之增建紹定五年縣令趙汝謏重建正
廳元至元丁亥縣令梁琮重建貞元中改為州署
明耿炳文守長興改為元帥府復以元時捕盜司
為州署尋改元帥府為長興衛指揮使司又改為
長興千戶所百戶所洪武十九年知縣鄭勝始復
請為縣署弘治三年知縣楊珵重建嘉靖三十五

年知縣黃宸重修

國朝順治初譙樓為大風所折十八年知縣葉文鳳重
建康熙四年知縣葉文鳳改留餘倉為西廳中為
治廳後為軒為後堂左為架閣庫右為耳房庫東
西為六房中為戒石亭前為儀門左為寅賓館又
前為譙樓縣廨即後堂為之前明隆慶元年知縣

歸有光改為夢鼎堂

歸有光夢鼎堂記凡州縣治其後皆為夾道而官之長貳

私宅別為一區惟長興治後迫於城故令之宅無
周垣門廡燕堂與前堂簷相接也余來為縣為修

經閣鼓樓左右廊廡起吏舍倉庾而燕居之室穿漏傾圯復加完葺之會有事於貢院一日夢寢庭中有函牛之鼎其傍有破裂處方命修補之覺而以告諸同事適長興之士試而得雋者三人衆皆以為鼎足之應未幾而南都得雋者又一人或以為此補鼎之驗也今仍舊名治廳

東為丞解丞解南為尉解又東南為簿解縣宅內有馴雉堂素履堂

德清縣治

在百寮山南

萬歷湖州府志舊治在下蘭山

唐天寶初移置德清縣志以水勢衝激移置今所前挹餘不溪後枕百寮山宋宣和中縣令趙岵重

建廳事建炎兵焚嘉定間知縣黃耕重建元至正
丙午燬吳元年知縣黃宗義鼎作明宣德末知縣
張俊以治廳卑隘改為之嘉靖初堂圯知縣方日
乾撤而新之

國朝康熙十一年知縣侯元棐改梅花堂曰花署顏後
堂曰集義治廳左為東耳房右為西耳房後為架
閣庫東西為六房中為戒石亭前為儀門為土地
祠前為譙樓為縣門縣解在後堂後廳事東北為

丞解稍南為簿解為尉解

武康縣治

在餘英溪北

嘉靖浙江通志舊在溪北隋仁

壽六年徙溪南唐廣德元年燬二年復徙溪北萬
歷湖州府志宋建炎中火紹興二年縣令鍾燮重
建元至正十六年燬明洪武元年知縣李大春重
建嘉靖二十五年知縣俞榮重修

國朝康熙九年知縣馮聖澤重建中為治廳後為川堂
左為耳房庫右為架閣庫東西為六房中為戒石

亭前為儀門門內為土地祠前為譙樓縣廨在川
堂後有桂花亭後堂西北為丞廨治廳西北為簿
廨東偏為尉廨

安吉州治

在天目鄉東北

嘉靖浙江通志漢分故鄣南境

置安吉縣治在天目鄉今地猶名舊縣唐開元間
縣令孔志道徙東北四十五里後又徙城東南元
至正間燬丁酉知縣劉德裕復徙舊治尋為元帥
府洪武三年知縣王津即元帥府建今治萬歷湖

州府志八年知縣張士良增修正德二年知縣何顯改奏為州即縣舊治三年知州廖紀新其治嘉靖二十三年知州江一麟重修萬歷元年知州勞遜志復修

國朝康熙四年知州楊茂祖重建譙樓中為治廳後為軒為後堂左為東耳房為架閣庫右為西耳房東西序為六房中為戒石亭前為儀門門東為迎賓館又前為譙樓為州門州宅在後堂後西為州判

宅西北為吏目解

孝豐縣治

在天目鄉

嘉靖浙江通志即漢故鄣南境安

吉縣舊址明弘治元年析安吉置孝豐知府王詢
奏建今治孝豐縣志其後正堂圯壞知縣郭治王
國相繼修葺

國朝康熙七年知縣楊錫汝又修治廳前為甬道為戒
石亭右為架閣庫為儀門東土地祠西迎賓館又
前為大門縣解內有增祿閣楊錫汝建後堂東為

丞解西為尉解

寧波府

提督全省水陸軍務總兵官

在府城南
紫微街

明設浙江

鎮守總兵官一員

國朝以浙省瀕海要地前後增設五鎮各擁重兵鎮守而統馭全省水陸官軍特設提督總兵官以總其權倚任為尤重矣康熙二年駐劄紹興府城八年移駐寧波府即民房建署東西列戟為轅門前為

大門進內為二門為甬道中為大堂上奉

御書扁額曰篤忱堂康熙四十二年

賜前任提督王世臣並懸

御製四時常喜戈船靜千里須教壁壘新對聯一副又

御書樂善不倦四字

賜前提督趙弘燦又

御書寬惠赴桓四字

賜前提督吳陞均奉懸正楹凜如

天威咫尺也大堂之東曰敬事堂為間三中奉

御碑一座上書干城二字康熙二十二年提督陳世凱

奉

賜勒石西曰西廳制與敬事堂埒西廳之上恭奉

御書秉心誠悃四字雍正二年提督楊長春奉

賜敬懸傍有書室六間進內為二堂康熙三十年提督

馬三奇奉

賜題額曰重鎮進後正樓五間翼以兩廂二堂之西曰

雙桂廳為間三又西為箭廳前後羣房四十餘間
大堂之右為各曹吏舍二門外東為土地祠轅門
左右為文武官候廳規模弘整洵稱海疆重鎮云

分巡寧紹台道

在永豐街

杭州府志向在省城按察司

大門內後移駐寧波府寧波府志巡視海道在府
治西北隅舊為市舶提舉司嘉靖中改建中為正
廳東西列廊房前為露臺為儀門為大門門左右
各有榜房正廳後為川堂堂後為明樓正廳西為

山亭後為池亭

寧波府治

在城內西北隅

舊浙江通志唐為明州宋為奉

國軍慶元府元初改為路其治皆在寧波衛治所

大德七年以府治為浙東道東元帥府而徙總管

府於宋判廳故址是為今治成化四明郡志明洪

武初改明州府知府張琪闢府東廣仁白衣寺址

以建解宅十四年改今名正統四年知府鄭珞重

建正心堂及後堂增置川堂天順三年知府陸阜

廣外門址同知劉文顯重建左右廊築儀門外門

鄞縣志嘉靖二十五年燬守魏良貴重建名正廳

曰甘雨堂

嘉靖寧波府志今名崇美堂

川堂曰如心

嘉靖寧波府志今名

開誠堂

開誠堂後為內宅中為柳巷為庫庫東為世

寄堂前為甬路為戒石亭東西為吏廊南為儀門
門東為土地祠為大門治西南為譙樓治廳西為
經歷司東為照磨所西南為通判廳

海防同知

在鄞縣東南八里大嵩地方

嘉靖寧波府志同知署

在府治南北向正廳曰親民堂外門曰清戎劉文顯建

國朝雍正七年浙江總督臣李衛題請移駐大嵩稽查

海口准建設衙署

糧鹽通判

在府宅西南

嘉靖寧波府志通判署在府治

南稍西中為平政堂前為重屋三間東西廊各三間後為川堂又後為衙堂前為中門為大門通判唐時雍正建

校士館

在城西
北隅

舊為巡按御史行臺後裁巡按改

為督學校士之所中為正廳題曰青天白日前為
露臺東西廊房各十六間前為儀門曰憲臺外為
大門正廳後為川堂凡四間扁曰冰壺秋月又後
為後堂東西為耳房為庖室又後為優學軒異以
亭左曰省過右曰滌心

國朝雍正九年知府曹秉仁重修增建考棚及堂後廳
軒

提標中軍中營叅將

駐劄府城湖西

提標左營遊擊

駐劄府城小沙泥街

提標右營遊擊

駐劄府城小梁街

提標前營遊擊

駐劄縣大嵩所

提標後營遊擊

駐劄府城馬衙溝

提標城守營遊擊

駐劄府城崔衙前

寧協城守營遊擊

駐劄寧波府城

鄞縣治

在城西隅

鄞縣志縣故治在東北隅開明橋

北唐大歷間自小溪州城移鄞縣於此長慶間并徙州治而縣仍附郭後梁改鄞為鄞宋仍舊址建炎間燬紹興八年令顧汝美創建二十五年令王瞻建清心堂嘉靖浙江通志元至大二年改為廉訪分司皇慶二年徙縣治於分司故址鄞縣志至正末尹宋禮移治於行春坊明洪武元年徙於迎鳳坊六年令楊仲珪移建於今地乃乾符竹林寺址也

國朝康熙二十二年知縣汪源澤重建忠愛堂堂後為
川堂堂左右為庫為後堂東西為耳房堂之後為
內宅東為丞宅西為典史宅前為甬路為戒石亭
為儀門為外門前及左右皆樹坊表

慈谿縣治

在城北隅

成化四明郡志在浮鼈山上創於

唐慈谿縣志肇自開元二十六年宋雍熙元年令

李昭文重建淳化間建清清堂於正廳之後

徐璋為記

元祐元年令崔熙重建正廳紹定元年改築清清

堂為清清閣景定三年易名清高閣尋復為清清堂元至元二十五年令馮昱又重建成化四明郡

志皇慶二年達魯噶齊烏瑪喇增修

袁楠重修縣志記廳事五

楹高其前三楹馬堂曰清清淳化中尹張叔達璽書之所褒因其名而築之者也挾以吏舍廚湑獄室縣門鼓樓前後有序縣治之中有小湖湖之中為洲花竹四列風蓮水柳映翳繚繞為亭以庥其居曰思政曰柳意

明洪武間知縣耿讓靳完壁主簿韓文

鼎相繼葺治宣德正統間張謨嚴憲相繼知縣事

重修清清堂寧波府志正德初令倪璋拓大之

姚鎮

為記

嘉靖丙辰燬遷於山趾在城北隅中為正廳扁曰忠愛堂堂後左為贊政廳為耳房庫右為架閣庫東西列吏廊前為甬道為戒石亭為儀門門外迎賓館土地祠南為大門川堂後為清清堂又於山之椒建亭三間名見山亭縣宅在治廳之左中廳為問優齋有後堂有書室縣左為丞宅右為典史宅

奉化縣治

在城西
北隅

嘉靖浙江通志在寶化山北三

里唐開元間分漢鄞縣地建今治宋建炎間燬復
建舊浙江通志元至元十三年復燬令王宗信重
建二十八年令丁濟廣其址元貞初陞為州治明
洪武二年復為縣治永樂成化中相繼修葺

國朝康熙間圯知縣鄭懋重建親民堂二十一年知縣
張起貴重建宣明樓堂後為後堂後堂北為內宅
東北為丞廨東為典史廨左右為庫前為甬路東
西為吏廊中為戒石亭南為儀門門東為土地祠

南為宣明樓

鎮海縣治

在城西南

成化四明郡志梁貞明二年建宋

建炎四年燬紹興元年令蓋大淵重建嘉靖定海

縣志淳熙間令陳公亮韓永德相繼修復成化四

明郡志明洪武二十五年令袁尚敬重修縣廳三

十四年令陸本重創幕廳庫廊正統中知縣戴鍾

重建寧波府志正德間令陳軾劉倬鄭餘慶嘉靖

間令宋繼祖各加修葺定海縣志萬歷十六年令

汪應泰重修天啓間令顧宗孟崇禎間令楊芳增修

國朝康熙二十七年改為鎮海縣正堂三間曰親民堂
後為見心堂左為架閣庫前為甬道為箴石亭東
西為吏廊又前為儀門大門內東為土地祠川堂
後為內宅內舊有瑞菊亭四知軒錦春樓廣瑞軒
白華朱鄂亭皆見堂宅東為丞廨廊東為尉廨

鎮海水師營參將

在縣治西
王施街

舊係總兵署萬歷二

年總兵移駐指揮衙門將舊署改為參將署頭門
五間儀門五間大堂五間堂東簽押廳一間題曰
忠武堂住宅五間西廊軒房六間西廊外箭廳三
間額曰問心

協鎮寧波昌國等處地方駐劄象山副將

在縣西門
三隅地方

賃居民房

協標中軍左營都司

在縣西門
三隅地方

康熙四十年建

協標右營都司

在縣南門
五隅地方

康熙三十四年建

象山縣治

在象山
南麓

成化四明郡志建於唐神龍二

年宋淳熙嘉定間兩加修建元大德間令達實密
重葺至元間令楊用撤新之明洪武元年知縣孔
定修宣德三年知縣陳思敬重修象山縣志成化
癸卯凌傳拓大其址正德九年徐相建譙樓嘉靖
間儀門壞蔣三才改創堂圯毛德京鼎建
歷三十六年吳學重葺

王挺
為記

萬

國朝康熙十六年知縣李郁重修五十七年知縣馬受

曾修建正堂堂右為庫下為甬道為箴石亭為東
西六房為儀門門外為客廳為土地祠前為譙樓
堂後為川堂中為宅門為二堂曰一椽萬間為三
堂曰茹藥西為此君軒前為白鹿亭後創竹亭曰
餘善前為香風亭左為縣丞署雍正四年奉裁改
為倉廩南為典史宅

鎮守定海舟山等處地方總兵官

在鎖山下

定海縣志

原駐定海即今鎮海

國朝康熙三十二年移定海總兵駐舟山改為舟山鎮

二十五年改舟山為定海縣名定海鎮在明參將

府基二十五年總兵黃大來建

定海縣志中所
舊為宋元州縣之

址隆慶三年參將
梅魁改為參將府

東西為轅門中為大門為儀門

內為大堂上懸

御賜彰信敦禮額進內為二堂康熙四十四年

御書迪德堂賜總兵施世驃更進為內宅宅西為書廳

奉懸

御題鑑古額右有亭曰不滌亭更西為箭廳雍正八年
總兵林君陞題曰觀德堂

鎮標中軍中營遊擊

在鎖山後

康熙二十五年遊擊樂

廷柯建中為大堂前為儀門為大門堂西為西廳
堂後為內宅左為書房右為箭廳

鎮標左營遊擊

在霞山下

康熙二十四年遊擊石子固

建中為大堂為儀門為大門堂左右各有廳堂後
為住宅

鎮標右營遊擊

在西門內

康熙二十四年建大堂前為

儀門為大門堂右為西廳後為內宅

定海縣治

在鎮鼇山麓

定海縣志唐開元析鄞地置翁

山縣後廢宋熙寧六年改翁山為昌國治在鎮鼇

山下高宗時燬元至元間陞為州明洪武十三年

仍改為縣二十七年隸定海衛

國朝康熙二十三年展復舟山二十五年改舟山為定

海山縣為定海縣建署大堂曰治定堂二堂曰阜

成堂堂東為庫東西為吏廊前為儀門為土地祠
皆知縣周聖化建堂東為內宅前堂三間後堂五
間知縣李侗建東為典史宅

紹興府

紹興府治

在臥龍山麓
海名府山

弘治紹興府志本秦漢會

稽都尉治自東漢以郡移治山陰即為府廨至隋
唐嘗為總管都督府又為節度觀察廳事嘉靖浙
江通志隋為越州治唐為浙東總管府治又為義

勝威勝鎮東諸軍治寶慶會稽續志乾寧中董昌
即廳堂為宮殿錢鏐為節度乃撤而新之嘉泰會
稽志紹興元年駐蹕會稽改越州為紹興府二年
移蹕臨安詔復作府治寶慶會稽續志州宅自錢
鏐再建壞而復修不知其幾嘉定十五年守汪綱
悉治新之弘治紹興府志元以府治為路解至正
中以路解為江南行御史臺而遷路解於宋提刑
司嘉靖浙江通志明洪武二年復以御史臺為府

治萬歷紹興府志廳事久且蠹敗弘治十一年知府游興新之嘉靖元年火知府南大吉修復之堂舊額曰公正於是改為親民紹興府志府堂萬歷二十一年圯知府劉庚修之甫二年燬復建

國朝康熙八年知府張三異修二十八年知府李鐸重修更名豐樂堂後漸傾頽五十二年知府俞卿重

建更名又新堂

新即建大堂記越大堂久圯余因其舊基而新之儀門兩廡仍舊增

修大門易以洞門堅固壯麗再構文昌閣以衛風氣堂後逼於山建九楹護之為川堂東偏別構二

堂以前廳事為三堂次第修整大堂額曰又新川
堂曰思補二堂曰學古經始於癸巳五月告竣於
甲午六月入後為思補堂思補之東為學古堂思補之

後磴道而上為松風閣舊鎮越堂基也

鎮越堂宋汪綱創建

由儀門內東行為知府宅有宅門有二門有堂由
堂之東廡繞出為陶月軒後為書室三重由磴道
折而上為翼龍亭後轉而東為大觀堂又新堂之
左為泰積庫接堂為軒下為月臺為甬道東西為
吏解外為儀門西為總捕同知署東為水利通判

宅迤南為經歷司為照磨所正南為大門疊石為臺架重樓其上外為照屏分石磴東西二道街南為文昌樓東為鎮東閣

分守寧紹台同知

在府治西

萬歷紹興府志府西迫高

崖崖上舊為同知宅有外門有廳有寢嘉靖中通判吳成器創吳既去遂改為同知宅紹興府志明清軍總捕廳為同知聽政之所在寶珠橋廢唯一門存焉同知宅由府儀門進知府治事出入以扇

掩而過體不雅稱乃於儀門外開門為路

國朝康熙四十七年移駐餘姚縣梁湖地方兼轄寧波

紹興台州三府接壤之處以事至府則仍居舊廨

督糧水利通判

在府治東

萬歷紹興府志通判北廳在

府署之東多植木犀宋施宿名曰桂堂通判南廳

有壽樂堂太子中令張次山建又有世綵堂通判

史文通建通判東廳乃員外置舊寓武憲廳紹興

中王十朋來作民事堂嘉定十七年顏耆仲又葺

路鈴廳居之紹興府志明管糧通判宅今改為知府署而水利通判宅在其南由儀門外東進西南為土地祠北為關帝廟中為路路盡為宅門東向又進為二門乃南向中為堂為後堂後有蓬萊閣

校士館

在倉橋西明巡院署俗稱新司

紹興府志明稱布政分司

為南司按察分司為北司巡院係嘉靖間所創故稱新司

國朝康熙二年提督移駐紹興遂為提督署更葺之後

建威遠樓七間制甚偉八年移駐寧波遂為督學
校士之所五十七年知府俞卿重修中為大堂東
西為文場前為儀門大門門東西為府縣官候廳
為鼓亭後有樓曰威遠有池有橋傍有地一區至
今稱小教場蓋射圃遺意云

紹協城守副將

在山陰縣東
酒務橋左

山陰縣志舊布政分

司即守道衙門本紹興衛軍器局明洪武二十三
年指揮使趙忠移局於會稽福里寺址正統六年

知府羅以禮始建

國朝康熙六年裁守道八年改為協鎮公署

協標中軍左營都司

在鎮東閭西

山陰縣志舊無經制

衙門後改巡道司駐劄

山陰縣治

在府治西一里

嘉靖浙江通志秦改大越為山

陰唐大歷七年建治承天橋東舊浙江通志在寶

林山麓去府治五里許元泰定二年始遷於今所

即宋省馬院故址也山陰縣志負臥龍山脊面秦

望帶鑑湖玉架天柱諸峯環峙左右形勝雄偉中
為正廳左為幕廳右為庫南甬道中為戒石亭東
西廂為吏廊南為儀門外東南為土地祠為賓賢
館直南為大門正廳後為冰蘂堂東為退思軒西
為洗心軒前有路紆徐數轉達光化亭亭南為廳
有門有亭有寢室寢室之東舊有樓名宜中解南
出治廳東為丞署西南為尉署

會稽縣治

在府治
東三里

嘉靖浙江通志南北朝陳氏開

縣建治後省入山陰宋復置縣仍舊治萬歷紹興
府志署舊在府東一里唐垂拱二年建今在府東
三里弘治紹興府志明洪武初知縣戴鵬舉重建
後廢弘治三年知縣陳堯弼復建名綠漪廳後有
梁跨水以通出入

國朝康熙五十六年知縣姚協于重建創大堂五間名
問心堂又建儀門三間堂後過石梁為內宅有堂
名集思康熙五年知縣王安世重建宅東為嘉瓜

一邑佳處閣下有嚴公臺有翰墨堂餘姚縣志皆
宋德祐間燬至元皇慶間復作公署治堂曰親民
治堂東為幕廳西為庫書房甬路南為戒石亭為
儀門左右為吏廊東廊之北稍東為寅畏堂儀門
外為土地祠申明旌善亭前為譙樓堂之後為川
堂為後堂有池曰瑞蓮池之上有亭其北當祕圖
之脊為令廨有門有廳有寢令廨之右為丞廨丞
廨之前為典史廨通判葉金署縣重建

上虞縣治

在長者山北東去曹娥江四十里

弘治紹興府志舊在

百官市唐長慶中移治今所

名勝志舊經本司鹽校尉治水經注云舊

治水西常有波蕩之患晉中興初治今處然今治則唐永慶中徙

宋建炎中兵焚

令趙不搖復新之又燬元初達嚕嚕齊烏瑪喇復

建萬歷紹興府志至元二十一年縣尹展熙再建

明宣德中知縣吳倖新之上虞縣志成化甲午復

圯令邢昊重修正德中令陳言扁廳事曰牧愛繼

曰忠愛曰節愛今曰實心實政甬道中立戒石舊

退食堂東建樓三層宅東為丞署治廳之東為典史解

諸暨縣治

在城東北

嘉靖浙江通志秦時開縣建治宋

建今治

嘉泰會稽志縣內有琴堂

元陞為州治明洪武三年復

為縣治弘治紹興府志洪武初知縣田賦重建諸暨縣志正統己巳燬知縣張鉞重建己卯圯知縣彭瑩重建崇禎十六年又圯知縣錢世貴重建

國朝順治四年燬康熙九年知縣蔡杓重建中為正廳

後為川堂為後堂西為內宅正廳東為幕廳前為
戒石亭為儀門為譙樓庫西為丞衙儀門內東為
典史衙堂西為吏舍

餘姚縣治

在城東南隅

嘉靖浙江通志秦時肇建隋廢

唐武德五年置姚州為州治七年廢為縣元復陞
為州明洪武三年復為縣治後枕祕圖山前俯舜
江嘉泰會稽志解有高風閣李祺重建後十一年
施宿知縣事一新之閣據祕圖山麓前對南山為

樓舊名清遠樓明隆慶六年樓下一瓜三蒂六寶因更名焉樓東為丞衙大堂

東為典史解前為甬道為儀門東南為親賢館為土地堂西為吏舍南為大門雍正十一年知縣楊沛重修

蕭山縣治在北轅山南二里

嘉靖浙江通志唐儀鳳二年

割諸暨會稽西北鄙地建今治萬歷紹興府志宋天聖四年令李宗卿建元末燬弘治紹興府志明初知縣尹性重建紹興府志永樂間知縣張崇修

成化十三年知縣吳淑又新之

按宋治有學製堂
天聖間令李宗卿

建海祐間令高
祖改為翠簾堂

國朝康熙五年知縣賈國楨繕葺十八年知縣姚文熊
重建治廳曰忠愛堂東有幕廳後有堂曰協恭前
為甬路為戒石亭東西為吏廊南為儀門左為土
地祠右為請益堂又南為譙樓三十年邑令劉儼
重葺縣廨在治廳後舊有堂曰牧愛左右有夾堂
外有門扁曰龜山舊署康熙五年賈國楨於內署

譙樓構以木正德末令伍希儒伐石壘基作洞門
復創重樓於上

國朝順治三年知縣朱應鯤更新之康熙十年知縣鄭
僑重建廳後為縣解廳東稍北為丞解廳東南為
典史解

嵯縣治

在剡山之陽

嘉靖浙江通志舊治在江東吳賀

齊為剡令始徙今所宋宣和間改嵯縣治元燬明
洪武初重建嵯縣志天順中燬弘治間知縣李春

等相繼葺

國朝順治四年知縣羅大猷重建中為治廳顏曰親民
治廳東為幕廳廳北為冊庫南為吏廊治廳西為
龍亭庫康熙八年知縣張逢歡重建北為銀庫南
為吏廊治廳後為燕思堂堂後為儆齋齋後為令

解

宋政和中建迎薰堂有東園及四山間後祀嘉
定八年令史安之重建增敞之東有霞書堂北

有面山堂累石為山注水為池雜藝卉竹凡十餘
所元至正間燬明初重建復燬成化弘治間重建
後相繼修葺順治六年知縣羅大猷重修
丞解在縣解東其西為典史

廨

新昌縣治

在五山鄉南明山後

萬歷紹興府志宋太平興國

中縣令張公良創立宣和三年燬紹興十三年知縣林安宅重建元至正二十六年燬二十八年縣令完顏從忠再建至正末又燬明洪武元年知縣周文祥鼎新之中為治廳後為川堂有愛竹堂廢碑存後為龍亭庫夾以兩楹堂左為幕廳右為庫房南有戒石東西為吏廊南為儀門直南為大門

上為譙樓五間

國朝康熙九年知縣劉作樑鼎建公廨後為正衙正衙後為丞衙稍南為典史廨

台州府

台州府治

在城西北大固山之麓

嘉靖浙江通志漢治臨海

後徙治章安隋改臨海郡治唐改台州治大歷間徙今所赤城新志元至元十三年燬置安撫司十四年改總管府至正末復燬明洪武初范守明敬

始創之台州府志萬歷丙子李守時漸重建後堂

國朝順治八年知府徐化成修建正堂康熙二十一年

知府鮑復泰重修堂後為川堂為後堂為霞起樓

宋淳熙中守尤袤建

明天啓中改為樓

為月桂齋

鮑復泰月桂齋記唐垂拱四年三月

夜月中桂子降於郡治之東齋芳香味甘食之和暢台州司馬孟洗冬官侍郎狄仁傑以聞余自戊午春來守是邦兵火之後獨老桂一枝靈芬蒼翠若有呵護者亟葺是齋仍顏之曰月桂云

為

靜鎮堂

宋嘉祐中建康熙二十年鮑復泰重修

忠愛堂左為經歷司

前為甬道為戒石亭左右為吏舍前為儀門門外

為綠荷塘左為廣積庫東為土地祠西為禮賓館

前為大門上有德風樓

康熙五十九年知府張聯元重修題曰海天保障

門外有端本澄源二坊治南為同知廳經歷衙西

為通判廳東南為鼓樓

康熙五十三年建曰鎮海樓

海防同知

在府治東

中為正堂左右為吏舍前為甬道

為儀門為大門為內宅有廳軒寢室

糧捕通判

在府治西

中為正堂前為儀門為大門為後

堂為內宅

校士館

舊布政分司在
府治東二百步

台州府志布政分司明正

統中李守性建成化間劉守忠更作之宋初貢院
在州東三百步後徙堯率院再徙巾子山北嘉定
初應試者至八千人館不能容於是齊守碩拓福
安廢院地以廣之按府治圖當在今新開巷一帶
圯久明試士就察院司

國朝初年巡道楊應魁重建貢院後圯康熙六年臨海
縣教諭胡雲客率兩縣諸生構試館二十間十三

年壞今就布政分司搭蓋棚廠考試

台協城守副將

在黃坊橋

台州府志順治四年始設協

鎮台州副總兵駐黃坊橋分司十四年調定海總兵張杰至郡借住城內王中丞宅後移鎮黃巖復駐協鎮副將康熙二十八年協鎮蘇侃仍駐黃坊橋司

協標右營都司

駐副前所塞汛新城

協標寧海營參將

駐副寧海縣城

協標太平營參將

駐劄太平縣城

臨海縣治

在府治南二百三十步

嘉靖浙江通志宋皇祐間

令崔黃臣建乾道間火淳熙六年令彭仲剛重建
台州府志紹定二年大水衝壞明年令葉奭重修
赤城新志元至元十三年燬令王銳重建至正末
再燬明洪武初令王貴重建台州府志弘治七年
令陳釗重建崇禎七年令周瑞旭重修

國朝順治中知縣葉裳華稍加修葺康熙甲寅堂前後

俱圯二十一年知縣趙之奎重建中為大堂東為

丞解西為尉解後為後堂

舊名正巳

左右為兩庫又後

為內宅堂之前為甬道為戒石亭兩旁為吏廊前

為儀門門前為平橋東寅賓館前土地祠西為獄

平橋前為大門

鎮守黃巖等處地方總兵官

在大寺巷

舊設水師右路

總兵官駐劄臨海縣

國朝順治十一年總兵官張杰移駐黃巖暫住民房康

熙三年總兵官李榮始建署於大寺巷中為大堂
曰靖海堂五十一年總兵官李近重修大堂後為
勤政堂總兵官史成立額後林達更名一德堂雍
正六年總兵官李燦復題曰無愧堂上懸

御書福字扁額進後為弘毅堂堂之西有亭曰一草亭
東偏假山一帶山下復為亭曰友蘭皆燦建燦復
於弘毅堂後構廳事五間題曰正靜堂舊有箭廳
在署東顏曰繹亭總兵官吳進義另於署西新闢

箭道為較閱騎射之所題曰德立功成大堂之外
為儀門為大門轅門西為大寺塔東有樓曰鎮東

樓

鎮標中軍中營遊擊

駐劄黃
巖縣城

鎮標左營遊擊

駐劄黃
巖縣東

鎮標右營遊擊

駐劄海門衛
城小北門

黃巖縣治

在城內

嘉靖浙江通志宋宣和五年令王

然建赤城新志宋末燬元至元中令孫諤重建元

貞初陞為州仍舊治至正末復燬明洪武初知州
唐宏重建尋復為縣宣德中周令旭鑑乃更作焉
台州府志嘉靖壬子燬令高材重建署縣通判傅
倌成之

國朝順治十二年知縣李何煒重新正堂川堂康熙二
十二年知縣甘國輔重新後堂正堂額曰忠愛後
堂額曰慎獨舊曰再思東廡為仁政閣又東為無倦軒
後為摘星樓東北為丞廨西為尉廨前為甬道為

戒石亭為儀門為譙樓縣西有園宋有民和堂清
心堂舫齋飛蓋亭容光臺今皆不存縣署內東有
來紫堂後改曰介石後有嶧山書院皆甘國輔建
後堂東偏有迎仙樓康熙三十四年令劉寬建

天台縣治

在赤城山
南六里

嘉靖浙江通志宋慶元初令

常建重修赤城新志元至元丙子燬令張德進重
建至正末再燬明洪武初令鄧林重建台州府志
永樂八年令張垌重新之正統六年令吳昌建正

堂弘治七年丞楊蘭建後堂

國朝順治六年知縣蔡含靈建坦蕩亭正堂東為幕廳
為庫房東南為尉廨後為後堂為內宅宅東為東
樓西即坦蕩亭正堂前為甬道為戒石亭東西為
吏廊為儀門東為土地祠為賓館西為獄大門上
有鼓樓

仙居縣治

在北峯之下

台州府志舊治在孟溪前金家

店晉永和四年令羊欣徙今城內嘉靖浙江通志

宋建炎二年令張亨重建赤城新志元至元丁丑
燬縣尹王徵重建至正丙申復燬明洪武初令王
從古重建台州府志嘉靖丙辰燬丁巳同知毛德
京署縣事重新之

國朝初年知縣蔣成棟新其堂順治十六年知縣劉之
浩重建儀門康熙十一年知縣鄭錄勲重建土地
祠正堂後為後堂為東西二庫東北為內衙後堂
東為尉解正堂前為架閣庫為戒石亭左右為吏

舍前為儀門東為土地祠前為大門為鼓樓

寧海縣治

在廣度里

舊浙江通志晉初設白嶠唐徙海

游永昌元年徙今處宋皇祐二年令李純師重建
隆興二年令薛抗重修元燬明洪武初知縣李茂
復建台州府志明令余亢郭紳張弘宜江徵戴顯
相繼修葺萬歷辛卯令曹學程更建

國朝康熙六年知縣黃命賢復加修葺後圯十四年知

縣崔秉鏡重建中為若保堂

舊名忠愛

堂後為川堂為

芝臺

臺左右連產
二芝故名

東為內衙舊有樓名補山康熙

十六年衙圯樓存崔秉鏡重建正堂東為丞廨西
為尉廨前為甬道為戒石亭東西為吏舍前為儀
門門左為迎賓館為土地祠前為大門為譙樓

太平縣治

在百干
山南

嘉靖浙江通志明成化五年台

州知府阮勤奏析黃巖置縣六年知縣常完建治
國朝康熙八年知縣孫如蘭建省觀堂二十年知縣曹
文珽重建左右耳房及東西兩廊儀門土地祠中

為親民堂後為川堂為省觀堂為後樂堂堂之前

有來蜂亭

曹文璉來蜂亭記辛酉春予視事三月公餘偶憩忽有蜂聚如斗顧而異之有

老吏前謁曰明嘉隆間蜂穴於堂歲數登民殷厚今復來集其休徵歟余乃伐竹緝茅作亭其上顏

曰來蜂

堂左為丞廨丞廨前為尉廨

浙江通志卷三十一

欽定四庫全書

浙江通志卷三十二

公署

下

金華府

金華府治

在子城內
府山南

嘉靖浙江通志唐開婺州治

宋改保寧軍治元改婺州路總管府明改寧越府

尋改金華府萬厯金華府志元置浙東宣慰司於
此遂遷婺州路於宋添差通判解址即今府治也

成化弘治中知府李嗣周宗智韓燾相繼修葺萬
歷乙亥黃焯守郡改建府宅於後堂之北丁丑王
懋德守郡重建儀門大門

國朝順治十年知府夏之中重建中為宣化堂後為川
堂為義理兼制之堂又後為內宅有退省堂
正堂之左為軍器庫右為昌濟庫東為經歷
司翼以六房西北為架閣庫後為司獄司治北為
照磨所堂之前為露臺為甬道為戒石亭又

前為儀門為大門大門東為親賢堂為土地祠右為通判廳

糧捕通判

在府治大門內之右

金華府志大門外西南隅建

大觀亭內為儀門為大堂後為川堂為內宅

校士館

舊察院行臺在府治東北

金華府志察院行臺乃宋之

州治也元初改浙東道宣慰司大德六年司徒慶元改按察為肅政廉訪而徙治其地泰定二年重建元統元年重修明改為察院行臺後壞正德間

知府劉蔭建又名大司

國朝提督學政校士于此中為廉威堂

舊名澄清後為自公

堂為川堂為寢室後有亭前為角道東西為席廡
前為儀門為土地祠為大門為府縣候廳前有坊
表曰浙東第一臺外為譙樓據城上其下為古保
寧門

金協城守副將

在醋坊嶺

金華縣志都督府今改為協

鎮府

協標中軍左營都司

駐劄鐵嶺頭

協標右營都司

駐劄義烏門內

金華縣治

在府治西二里

嘉靖浙江通志舊在府治東唐

開元中刺史梁猷徙今所宋皇祐初令沈振重建

金華縣志淳熙間木易來任重修

唐仲友重修縣治記金華為發

治其山水清遠土田沃行物阜而俗美冠于屬邑治廨創于五代修于皇祐寢就傾陟今宰木君檢漏入約浮費鳩工庀材纖悉計會一毫不以煩民葺聽事之堂與西偏便廳撤中門而新之闢堂之東建齋以便寢處為役蓋不細而民不知可謂善矣萬厯金華府志明宣德

八年知縣郭瑛建門廊弘治間知縣曹敦林釗繼
建萬歷四年知縣張名藩重建內衙廳樓修大門
及外屏牆中為素絲堂後為川堂為後堂又後為
退思堂為內宅堂西為耳房庫東為幕廳幕廳左
為丞解前為尉解堂南前為甬道為戒石亭東西
為吏廊又前為儀門門西為喜聞堂後為土地祠
前為大門南有坊曰長山古治

蘭谿縣治

在城東隅

嘉靖浙江通志宋宣和四年建元

陞為州治明洪武二年仍改為縣治知縣賈存義
重建萬厯金華府志成化間知縣范希城唐韶增
修弘治九年燬知縣許翺重建萬厯六年知縣張
新重建正廳中為正堂舊名勤政後堂名清心東
為令宅弘治十六年
知縣蘇琰建西為補過軒樂胥堂桂桃館
正堂之左為幕廳為庫前為甬道為戒石亭東西
為吏舍為架閣庫又前為儀門為譙樓儀門外西
南為丞解為尉解

東陽縣治

在城西
北隅

嘉靖浙江通志宋宣和間令表

移忠建萬厯金華府志元燬至元十五年縣尹王

世英重建泰定四年縣尹趙鍾修明永樂元年知

縣詹奎彰益加修拓天順二年知縣繆樛重修

國朝康熙十四年知縣胡啓甲重建正堂譙樓

杜時萼
重修東

陽縣治記都人請曰非徒建堂是謀而併審向是
慮蓋斯堂錯向之後邑無寧歲茲改斯古乃審察
舊向正對發之二度明末所
向誤為四度因仍改向二度堂名琴臺後為川堂

為後堂曰內省堂為觀風樓最後為臺曰吳寧臺

上有樓名應宿

明弘治間知縣謝琛建其下清治環之為亭二曰玉寒曰愛蓮後廢

隆慶間知縣鄭準改治之

為水鑑亭為夜告亭

鄭準池亭記維
接上游吳寧宅

馬山鬱而巍水湍以紆環流數百里巉巖邃洞澄
流飛瀑莫可數計而涓流疏于街衢烟霞溢于城
郭邱林盟主水石銓衡非假遠取聿臻幽致矣署
北有垣垣外有池池陰有臺臺之巔崇樓覆焉臺
之四垂喬木交蔭焉乃從署左竟取臺東架木為
橋命曰衡橋鑿垣為戶因垣施楹雙扉中啓與樓
相當臺南夾石梁建雙亭曰水鑑曰夜告池之四
隅稍增築之築工甫竣多景旋集草木生色禽魚
親人公庭地切靈境天成事非民
勤景與人會聊湏文墨用代丹青

川堂西為菴尚

堂正堂左為庫為廊廊下為賓館館前為土地

祠後堂西為丞縣正堂東南為尉縣東為幕廳
前為甬道為戒石亭為儀門為大門為鼓樓

義烏縣治

在繡川門之北

萬歷金華府志宋大觀四年知

縣徐秉哲建宣和四年知縣裘移治重建南渡後

知縣黃表葉蕃張康徐正卿呂浦趙必升皆新之

元至元十四年縣尹蕭玉重建皇慶元年燬二年

達魯噶齊哈干新之至正間又燬明洪武二年知

縣張永誠拓基重建

王禕義烏縣興造記義烏自漢以來為烏傷唐武

德四年以縣立綢州又置華川縣七年州廢省華川入烏傷而更今名華川故址在今縣南三十里則縣治之在今所舊矣成化十五年知縣趙溥修嘉靖十五

年知縣胡樗重建儀門譙樓二十一年知縣梅凌

雲重建川堂扁曰靖恭金華府志萬曆十八年燬

知縣金繼震重建義烏縣志崇禎十三年知縣熊

入霖增建素絲堂

國朝康熙十三年廳僻再燬知縣辛國棟重建雍正五

年知縣韓慧基重建譙樓中為敬事堂堂後為有

孚亭為精誠軒內宅為衙堂為大觀樓川堂西為
祭閣庫正廳東為幕廳西為耳房庫前為甬道為
戒石亭東西為吏廊為儀門門東南為尉廨前為
大門為譙樓

永康縣治

在華溪之陽

嘉靖浙江通志 吳赤烏八年創

建唐武德間即其地置麗州徙治于城北八年廢
州復為縣萬厯金華府志宋宣和間燬紹興間知
縣強友諒宋授相繼新作嘉泰元年知縣陳昌年

尹穡復增葺焉元至元十三年燬十七年達魯噶
齊寶巴爾尹范儀又拓而新之至正間又燬明洪
武四年知縣呂蕪明勅建後知縣宋顯魏廉相繼
修之正統十四年燬知縣何宗海重建成化十三
年知縣高鑑新譙樓嘉靖十三年知縣洪垣重建
廳事

國朝順治八年知縣張祚先重建大堂康熙七年知縣
徐同倫十八年知縣謝雲從三十一年知縣沈藻

重修中為道愛堂後為川堂為內省堂為冰心廳
最後有稽古樓有觀德廳左為贊政廳為架閣庫
前為角道為戒石亭為儀門門外右為賓館為土
地祠前為丞廨為尉廨為大門為譙樓

武義縣治

在城北隅

萬歷金華府志唐初建宋宣和六

年令徐廣重建元至元十三年燬二十七年監邑奇
塔特蒙古即故地復剏丁丑又燬明洪武初知縣
趙果重建天順三年知縣康顥建後堂成化六年

知縣陳璉建正廳弘治元年知縣曾祿建幕廳十一年知縣胡秀重建後堂十二年縣丞潘棠建吏
廨

國朝康熙二十二年知縣史大受重修縣治中為忠愛

堂

舊名
德政

後為川堂曰清慎勤左為架閣庫後為內

宅為四知堂後有樓曰望台今改望雲樓四知堂
右為心閒亭左為尉廨正堂東為庫又東為贊政
廳前為甬道為戒石亭東西為吏舍為儀門外為

師虞堂左為土地祠前為大門有樓曰保和樓

浦江縣治

負仙華山

萬歷金華府志宋紹興十六年知縣

蔣樞建咸淳元年知縣王霖龍增修六年知縣王

安仲建公惠堂元至元二十九年縣尹趙泰重建

大德九年縣尹蔣恕重修後至元二年縣尹林以

順至正三年張悅相繼修明洪武三年知縣張希

賢正統六年丁銳相繼重修成化十五年知縣秦

蕃增新之金華府志正德七年知縣鄒輓遷建縣衙

國朝順治四年知縣韓文明重建康熙八年知縣毛文
塾二十二年知縣張時泰重修中為正堂後為川
堂為後堂為令宅西為桂花亭西雪亭正堂東為
庫為幕廳西為西園前為甬道為戒石亭為儀門
門東為土地祠西為迎賓館為吏舍東為尉廨為
譙樓外有坊曰文獻名邦

湯溪縣治

在官山

嘉靖浙江通志 明成化六年建縣

明年知縣宋約設治于官山

國朝康熙年間知縣張元會重修正廳為忠愛堂前為
軒為甬道為戒石亭左右為六房後為川堂為燕
堂為令宅宅中為敬愛堂東為仕學軒西為慎獨
軒又西為尉廨正堂左為庫右為贊政廳儀門左
為土地祠為寅賓館前為大門

衢州府

分巡金衢嚴道

在縣治西

舊署在府治後明建

國朝順治六年守道李際期移署于縣治之西即明守

禦千戶所康熙五十七年裁雍正十二年總督

臣

程元章題請復設巡道一員駐劄守道衙門

衢州府治

在府城東南
崢嶸山上

嘉靖浙江通志唐武德四

年置衢州治六年治燬州廢為縣乾元元年復為

州建治衢州府志宋紹興十七年知州張闕作思

政堂舊浙江通志元改為衢州路總管府治弘治

衢州府志元初燬至元二十二年本路達魯噶齊

本巴重建正廳至大三年達魯噶齊薩蘭都總管

朱霽重修明郡守張寔宣德間朱敬天順間唐瑜
同知魏安弘治十二年守沈杰相繼重修衢州府
志嘉靖十六年知府袁城三十八年知府楊準四
十三年知府鄭伯興崇禎八年知府張文達並修
葺

國朝康熙三十四年知府張琳重修中為平理堂東為
經歷司西為照磨所後為川堂為明德堂

舊名思政堂

西為內宅為雙桂軒最後為大觀亭

舊名平山亭

今名

遊瞞亭亭東有樓曰望監有館曰公餘憇所儀門之南為譙樓東為迎賓館少前為司獄司西為通判宅治內舊有小峨眉峯龜峯亭雙石堂來月亭雲竹軒今或廢或存

分防同知

駐劄峽口

雍正十二年題設

糧捕通判

在儀門內西

中為正堂後為川堂為後堂為

內宅堂前為甬道為儀門東西為吏廊為土地祠

為迎賓館為大門

校士館 明崇禎丙子知府張文達建

國朝順治八年因衢與閩接壤移駐總督改為署康熙二十三年裁併福浙總督移駐福建遂改為校士館每遇督學試士有司以歲時葺治之中有大堂有燕寢有退食所有賓友幕室有梧竹池館庖湍諸舍百有餘楹諸生號坐皆環以檻承以棧甃以瓦不虞浥漏鉅麗冠於浙東

鎮守衢州等處總兵官 雍正十二年題將衢協副

將改為衢州總兵官駐劄府城

鎮標城守都司 衢州舊有協標中營左營都司二

員雍正十二年題將一員改為城守都司駐劄府

城

西安縣治

在府治西
仁壽坊

嘉靖浙江通志舊為雜造局

元改萬戶府治至大間又改錄事司而縣治在禮

賢門外明洪武初知縣曹郁徙今所弘治衢州府

志二十八年知縣姜仲能增建縣舍衢州府志弘

治十八年知縣戴旦嘉靖二十一年知縣吳德范
四十年知縣俞大有四十三年知縣曹存增修中
為堂曰忠愛右為耳房庫後為退堂曰勤慎又後
為令宅東為先思軒忠愛堂之前為甬道為戒石
亭東西為書吏房西北為土地祠前為儀門門東
進迤北為丞廨西進迤北為尉廨外為縣門為譙
樓

龍游縣治

在白蓮橋北

弘治衢州府志元至元丁丑達

嚕噶齊薩木喀爾建後燬癸卯令翟瑛重建明洪武三年令劉庚永樂初知縣祝淵重修天順間令王瓚弘治戊午令袁文紀增葺衢州府志嘉靖二十二年燬知縣錢仕重建二十九年知縣甘用世萬曆十一年知縣魯崇賢十四年知縣唐興仁相繼增修

國朝康熙十二年知縣許琯修中為思政堂後為川堂為後堂為令宅為寅畏堂川堂西為庫房思敬堂

左為幕廳為丞廨丞廨前為尉廨右為架閣庫前
為甬道為戒石亭東西為六房前為儀門左為土
地祠為迎賓館前為大門建譙樓其上外為白蓮
橋

江山縣治

城西北通
化門內

弘治衢州府志 面景星峯元

達嚕噶齊阿哈瑪特修建至元壬辰燬知縣程萬里

稍初嘉靖浙江通志明洪武三年縣丞劉有恒八

年知縣劉璫相繼鼎建衢州府志 弘治七年知縣

楊俊嘉靖二十一年知縣黃綸重修萬厯十九年知縣張斗重建

國朝初知縣孫遂重建內衙康熙元年知縣萬里侯建署內書院顏曰明遠堂三十一年知縣楊憲重建兩廊及譙樓又建堂於靜思樓之址曰靜思堂五十二年知縣汪浩作強恕軒中為忠愛堂左右為耳房庫東為贊政廳架閣庫前為甬道為戒石亭東西為吏廊儀門東南為丞解西為尉解為賓館

前為譙樓有坊曰宣化

常山縣治

在城西北隅倚山

弘治衛州府志宋宣和間令

單師淵建元初燬至元癸未令額森呼都克婁重建
至正十三年燬明洪武甲辰知縣嚴思忠重建成
化丙戌知縣李浦修葺衛州府志弘治八年知縣
劉瓏新之九年知縣王錫增修隆慶三年知縣張
克文萬曆二十九年知縣沈儀范重新

國朝康熙七年知縣蔣夢吉修二十二年知縣楊濬重

修中為治堂後為中亭為退堂為令宅左為架閣
庫右為耳房庫東為丞廨為尉廨前為甬道為戒
石亭東西為六房為儀門為大門

開化縣治

北枕鍾山南對鳳凰之三台

嘉靖浙江通志宋太平

興國間設元燬即孔埠郵亭為署明初即儒學前
亭為治又移置曠寺洪武二年知縣張高即宋舊
治建今治弘治衢州府志後圯知縣畢進忠縣丞
李德順修理成化七年知縣王弼重修弘治元年

知縣蔣續復修六年知縣陳倫新之衢州府志萬
歷十五年知縣汪應望復修

國朝順治六年知縣朱鳳台重建譙樓康熙三年知縣王
公任十二年知縣崔華重修三十三年知縣蔡騰
蛟重建譙樓中為堂後為川堂為後堂後堂東為
令宅內為友山堂為熙春亭西為庫堂東為承廨
西為贊政堂為尉廨南為甬道為戒石亭為儀門
東為土地祠為迎賓館為譙樓前有荷池

嚴州府

嚴州府治

在樊家山之巔

舊唐書地理志舊治雉山萬歲

登封二年移治建德嘉靖浙江通志武德間置嚴

州治宋改建德軍治建炎初燬宣和中知州周格

重建南渡後陞建德府治元改嚴州府治至正末

燬洪武初徙今所嚴陵志知府王思勝復建宣德

六年知府徐孔竒建川堂天順六年知府張永重

整廳堂成化七年知府朱暄復新正廳中為平理

堂後為川堂為靖共堂為內宅門中待旦堂西後
樂園有遐觀亭有學圃亭正堂前為露臺為甬道
為戒石亭左右為吏廊為架閣庫永豐庫南為儀
門為土地祠為迎賓館門東為經歷司照磨所又
前為大門為譙樓東為司獄司堂後左為同知廳
清軍總捕同知在府治東北中為正堂後為川堂為後
堂為內宅前為甬道東西為吏廊為儀門為土地
祠為賓館為大門

校士館

在府治東

建德縣志明崇禎十五年邑人宋賢

捐建中為大堂為川堂後為後堂為閱文之所前為露臺為甬道兩廡各十楹為號廠為儀門為大門為書役房為府縣官候廳

嚴協城守副將

在親仁坊磊石巷

建德縣志順治七年嚴

州府知府錢廣居建德縣知縣鄭應臯買民居改造康熙三年協鎮鮑虎捐構隙地改旁廳前道康熙二十一年大水頭門圯協鎮洪起元捐貲重建

協鎮中軍左營都司

駐劄興仁門內面東

建德縣治

在城東
字民坊

嘉靖浙江通志宋時建元末兵

燬明洪武三年知縣劉復禮重建嚴陵志知縣錢

公度續修正統二年知縣侯康遠重建成化十一

年知縣潘浩重葺建德縣志舊學在縣治左迨學

遷始拓其基萬歷十年知縣喻汝為乃以儀門左

為土地祠大門西為親賢館易大門為鼓樓建架

閣庫耳房庫于川堂之後為冰玉堂改大門外司

牧坊為漢富春治

國朝順治八年知縣鄭應臯重建十三年知縣張文韜
建兩廊康熙六年知縣胡應華重建廣益堂于土
地祠之前十九年知縣夏景松建平廳于冰玉堂
之西二十一年署縣事李夢鸞改建大堂儀門洪
水圯知縣戚延裔修中為平政堂後為無倦堂為
冰玉堂平政堂左為丞解為贊政廳前為梅仙署

淳安縣治

在城北隅

嘉靖浙江通志吳新安郡治故址

也元末燬明洪武二年知縣和鼎重建嚴陵志正
統元年主簿陳福建川堂後堂成化十二年知縣
汪貴重修淳安縣志嘉靖三年知縣姚鳴鸞重建
名其後堂曰攸躋堂廳事為中正堂

國朝順治三年知縣謝良琦重建縣堂七年羅漢章重
修學海堂十三年張一魁重修琢句堂建虬松亭
正堂左為尉廨治內舊有學愛堂製錦堂畫簾堂
正己堂仕學軒秋風亭環碧亭衆樂亭今皆不存

桐廬縣治

在縣市西北據安樂山之第二峯

舊唐書地理志舊治

桐溪開元二十六年移治鍾山

名勝志古在縣西十五里桐江西岸

唐貞觀二十六年徙今所按貞觀無二十六年當從舊唐書開元為是

嘉靖浙江通

志宋宣和間令侯叔巘拓建嚴陵志元泰定三年

令胡太古重修元末燬明洪武三年即舊基鼎建

成化十年知縣馬隆重建正廳十三年知縣何珖

重建鼓樓十七年知縣盧勗重建後堂桐廬縣志

崇禎十一年火知縣曾守意重建

國朝康熙二十一年圯知縣童煒重修中為正堂後為
先勞堂為更清亭縣衙舊在更清亭之東有待旦
堂有茂對堂有後樂堂正堂左為庫為幕廳右為
耳房庫前為甬道為戒石亭為儀門東為土地祠
為寅賓館為丞解又東為尉解前為譙樓

遂安縣治

在縣市北
坐五獅山

遂安縣志縣治舊在木連村

溪北唐武德四年遷五獅山之麓嘉靖浙江通志
宋初建紹定間燬尋建嚴陵志元至元丙子燬明

年縣尹朱世榮重建至治間楊天澤修後至元四年縣尹張裕盡撤而新之明洪武三年知縣凌暹天順六年知縣成禮又修葺焉遂安縣志萬厯間知縣吳撫謙馬呈昂韓晟續修

國朝順治十四年知縣高爾修重建正廳十七年知縣錢周鼎重建大中堂康熙三年知縣姚永康修東西廊中為治堂後為大中堂左右為耳房東為內宅為清心堂堂東為息憇亭為叢蘭館為夢篆齋

舊有孔昭堂思補亭甘松亭俱圯治堂東為贊政
廳迤東為典史宅前為儀門為譙樓東為柱史坊
西為聚奎坊

壽昌縣治

在縣市北
萬松山南

舊唐書地理志舊治白艾理

後移于今所

戴令星壽昌縣治記永昌元年析雒
山縣所置先是孫吳分富春縣置新

昌縣晉改名壽昌此在府之東北其治在縣西永
平鄉今之壽昌在府西南其治在萬松山南名適
相同而治
所各異 嚴陵志至元丙子燬知縣朱世榮建正

廳王子玉建門樓辟宇後至元間知縣王禹重新

之明洪武六年主簿廖思賢建後堂景泰四年知
縣張瑄建川堂

國朝順治十六年知縣劉健建鼓樓中為正堂後為川
堂為後堂為申申堂為令宅為抱一堂正堂左為
幕廳為尉廨

分水縣治

在縣市正中
當雙峯之麓

嘉靖浙江通志唐武德間

建嚴陵志宋李燾元元貞元年縣尹李讓建正廳
延祐六年復燬明洪武三年知縣余得賢重建二

十八年知縣毛思敏建譙樓葺廨宇正統八年知縣李觀建後堂分水縣志嘉靖十一年令吳希孟重建正堂隆慶三年侯汝白修川堂後堂中為正堂為川堂後為令宅有裕後樓正堂左為幕廳為典史宅前為甬道為戒石亭東西為吏廊為儀門為寅賓館為土地祠為縣門前為坊曰文獻名邦

溫州府

分巡溫處道

在府治西
教場舊址

萬歷溫州府志溫處二府

隸浙東道各置按察分司副使分巡往以處州有
礦徒生事故常鎮于處時巡于溫嘉靖三十年議
設兵防倭專敕分巡整飭兵備移鎮溫州為兵備
道建署

國朝康熙九年改為分巡道駐劄溫州府

溫州府治

在城西
南隅

嘉靖浙江通志晉太寧間建於

華蓋松臺兩山之間謝靈運顏延之曲郡多亭閣
園池之勝舊唐書地理志上元二年置溫州治名

勝志郡治曩在譙樓大街正北明洪武元年改建於教場東而以州治為衛治萬厯溫州府志郡守湯遜改建嘉靖戊午郡守鄭銘重建

國朝康熙十二年分巡道許重華署府殷作霖重建中為治廳入為後堂為內宅前為甬道為戒石亭為東西廡為儀門為經歷司為照磨所為土地祠為迎賓館為大門治東為同知宅西為通判宅前為司獄司

清軍海防總捕同知

在府治東

萬歷溫州府志舊海道

司中為治堂後為川堂為二堂為內宅前為吏舍

為甬道為儀門為大門

糧捕水利通判

在府治西

萬歷溫州府志在平定倉中

為治廳後為衙堂為內宅前為吏舍為甬道為儀

門為大門

校士館

在城隍廟西

萬歷溫州府志原係新察院明萬

歷二十四年郡守劉芳譽縣令林應翔改建中為

大堂後為退堂為閱卷所有寢室前為軒東西為
號廠為儀門為大門為土地祠為府縣候廳

鎮守溫州等處地方總兵官

在墨池坊

明萬厯間進士

王叔果創建東西轅門內為大門為儀門為大堂
舊名傳忠

國朝康熙四十四年

御賜靖共堂扁額四十六年再

賜迎恩堂雍正二年總兵邊士偉蒙

賜御書福字奉懸堂中後為二堂為住房轅門之東為
箭廳總兵許鳳題曰觀藝亭

鎮標中軍中營遊擊

駐劄
府城

鎮標左營遊擊

駐劄
府城

鎮標右營遊擊

駐劄
村寨

溫協城守營遊擊

駐劄
府城

原設副將順治十三年裁

十八年復設康熙五十年改設遊擊駐劄城內

永嘉縣治

在府治
東南隅

嘉靖浙江通志治舊在甌江北

晉置永嘉郡徙治江南華蓋山西隋廢郡為縣仍舊治唐初析永嘉置永寧縣分治江南北貞觀初復合為一仍治江南上元二年置溫州始立永嘉縣治萬厯溫州府志宋泰定間縣令趙汝掄徙治于丞廳嘉定間縣令陳倬再徙于郡之行衙即舊皇華館續又修舊郡治居焉元至元間以縣治為織染局二十七年復以舊皇華館朔縣治二十九年改為廉訪分司縣徙于舊酒務元貞元年燬大

德元年縣尹孫允汶復為縣治七年尹王安貞重
新之延祐間尹何玉重建明洪武元年仍舊為今
治成化十八年知縣劉遜重修

國朝康熙十八年知縣鄭廷俊移建大門中為樂只堂
後為川堂為後堂西有五福祠為內宅樂只堂東
為贊政廳為丞宅為尉宅右為耳房庫為架閣庫
前為甬道為戒石亭為東西廊為儀門為土地祠
為賓賓館為大門外有仁育義正二坊康熙十六

年知縣鄭廷俊改曰平政曰親民

協鎮樂清副將

駐劄縣城

國朝順治十五年置副將駐札前郭民房康熙元年副

將雷孚言闢址建署

協標都司僉書

駐劄縣城

雍正九年改守脩為都司

樂清縣治

在翔雲峯下

萬厯溫州府志建自晉咸康二

年樂清縣志宋熙寧三年令劉握重建淳熙中令

袁采重修

袁采重修縣樓記縣治有樓二外樓揭縣額建大鼓內樓以藏勅書及簿書柴

牘外樓熙寧癸丑令葛君逢建內樓熙寧戊申令劉君握建予始至亟修之外樓榜曰省俗內樓榜曰內

觀
溫州府志元至正壬辰火甲午令宋彥寵重建明成化十三年令徐頤復鼎新之

國朝康熙四年縣令竇三聘重葺十二年始建大堂二十三年令徐化民重建儀門治廳曰親民堂後為二堂為內宅親民堂西為丞廨東為典史宅前為贊政廳為甬道為戒石亭為東西兩廊為儀門為大門門內有倉廩舊在蕭臺山下康熙十年知縣

出一驕建

協鎮平陽副將

駐劄縣城

原設總兵官康熙四十九年

移駐處州調處州副將移駐平陽

協標中軍左營都司

駐劄縣城

協標右營都司

駐劄縣城

平陽縣治

在南門崑山北麓

嘉靖浙江通志晉太康中建

萬厯溫州府志宋紹興間令鄭顥重建開禧二年

汪季良復建愛民堂元至元十八年令周忠重建

元貞元年陞縣為州守孫筠於廳後建公溥堂平陽縣志至正十四年火二十年知州周德嗣重建萬歷溫州府志明洪武二年改為縣十六年令糜性善復建永樂間圯宣德九年令章惠建縣門儀門東西廡公溥堂成化七年令陳金重建正廳弘治四年令王約重修儀門十三年令楊楷重修廳堂平陽縣志隆慶間知縣朱東光改後堂曰敬恕萬歷二十二年令朱邦喜重修二十六年令陸崇

禮題曰明親堂崇禎元年令李邁種重建十七年
令吳有涯重修

國朝順治十三年知縣王年重建儀門及東廊康熙六
年知縣陳宏周重建縣堂及大門二十三年知縣
吳永申修葺三十三年知縣金以竣重修中為明
親堂後為敬恕堂迤西為愛民堂為內宅前為甬
道為戒石亭為六房北為守法軒南為儀門為土
地祠為迎賓館為大門為譙樓治東為丞廨西為

尉解

協鎮瑞安水師副將

駐劄
縣城

原設叅將

國朝康熙十年改設副將雍正二年題改陸路為水師

協標中軍左營都司

駐劄
縣城

國朝雍正九年改守脩街為都司僉書

瑞安縣治

在邵嶼
之旁

嘉靖浙江通志吳置羅陽縣在

十二都北湖晉太寧間徙今所萬厯溫州府志宋

宣和初燬慶元二年令留寅建門樓嘉定庚午令

許興裔建大廳琴堂元至正乙未燬明洪武己未
令王泰建正廳儀門癸亥令魏本建大門官舍己
亥令吳從義建後堂川堂嘉靖丁酉令吳鐸重建
譙樓萬曆癸酉令周悠改創正廳增建贊治受善
二堂

國朝康熙十一年知縣李澄重加修葺正堂後為琴堂
為卷房為內宅為庫為贊治堂為受善堂前為甬
道為戒石亭為吏廊為儀門為大門治西為尉廨

泰順縣治

在鳳凰山下

嘉靖浙江通志明景泰三年知縣

郭顯宗建萬厯溫州府志成化十八年令黃德齡
重建弘治七年令范勉修葺嘉靖四十二年令區
益重建正堂後堂隆慶間令王克家修葺中為正
堂後為後堂為內宅前為贊政廳右為尉解南為
甬道為戒石亭為東西廡為儀門為土地祠為迎
賓館為大門為譙樓

協標大荆營遊擊

駐劄大荆

溫州府志舊大荆驛基

國朝康熙元年建

協標磐石營都司

駐劄磐石衛城西門內

處州府

鎮守處州等處總兵官

在府治西錦山下

國朝康熙八年設鎮守平陽總兵官四十九年改處州

總兵官移駐處州兼轄金衢二協建總鎮府

鎮標中軍中營遊擊

駐劄府城

鎮標左營遊擊

駐劄龍泉縣汎地

鎮標右營遊擊

駐劄
府城

處州府治

在東山
南麓

嘉靖浙江通志舊在小牯蒼山

巔隋開皇間建唐武德中改為牯州治天寶元年
改為縉雲郡治後復為處州治五代及宋因之元
至元二十七年總管沃呼好古卜地城東南宋相
湯岐公故宅建今治至正十三年改為總管府治
明弘治十年知縣沈華重建廳事括蒼景紀成化
十九年燬知縣郭忠重建嘉靖三十九年又燬知

府謝教重建處州府志萬曆二十三年知府任可容建擷秀樓天啓七年知府李思敬改建譙樓

國朝康熙二十九年知府劉廷璣重建吏廊四十年知

府劉起龍改建正堂雍正三年知府姚鈴更題曰

居敬堂

舊名經濟堂又名師帥堂

後為川堂為後堂

舊名雲山堂今扁曰

清溪

右為大有庫又後為雙芝亭

舊名退思堂知府鄭懷魁改今

名於懷魁雙芝亭記括郡署北園于志為泰山古
來樹一株萬曆丙午季夏芝產十本黃外紫內孟秋
復秀重葩玄英大者徑尺許夫土和而不散則芝
草生瑞圖稱五芝之色黃者如紫金赤者如珊瑚于

今所觀與象符瑞不虛生志其事
以備郡乘太守之職也書以俟之亭後為內宅宅

西為則軒軒南過橋臨水結草為亭曰宛亭為擷
秀樓東為同知宅南為經歷照磨所前為甬道為
歲石亭東西為六房南為儀門儀門東為迎賓館
又東為土地祠西為司獄司為大門為譙樓外有
坊二曰承流曰宣化

清軍總捕同知

在府治東

崇禎處州府志向日軒環翠

樓俱在同知宅萬曆二十三年許國忠建

校士館

在城東南

崇禎處州府志分守道在府署南一

里前有屏翰坊舊為都察院處州府志校士館今

即守道署為之

國朝康熙二十五年水沖仆大門及牆垣僅存大堂川
堂後堂樓屋數椽知府劉廷璣知縣張建德率諸
生捐修為試士之所

麗水縣治

在府治東

括蒼彙紀初縣治在縣西三十五

里資福村後徙芟山之左宋至道初令甄旦重建

楊億舊縣治廳壁記麗水古枯蒼縣唐大厯末避
德宗諱并郡改焉地亘發女之墟縣署湫隘僅庇
風雨至道初廷尉平甄侯旦來涖是邑期月政成
休聲著聞從容暇豫周覽縣齋薦葢不完梁木將
壞慨然奮發經之營之度山取材懸金購匠因農
務之隙募子來之徒曾未浹旬層構云畢樓以藏
詔書廳以決政事樓之南敞重闕可納方軌廳之
北闢迴廊僅容宴豆麗譙渠渠治象之法在焉堂
皇哉我神明之化出焉侯陟降以之造次于是職
修事舉體寧神旺使虛白生室高門容車後來之
人坐享其利侯之規模
信宏遠矣咸平二年記

嘉靖浙江通志建炎間燬

紹興四年令劉皞民重建元改肅政廉訪分司又
改為枯蒼驛以古待賢驛為縣治大德六年令尹

民望即宋相湯岐公故宅東偏建今治括蒼彙紀
明正統八年知縣張友親更而新之

國朝雍正八年署縣王鈞徙兩廊吏舍于堂側重修儀
門中為體仁堂久圯後有堂曰綏德撫仁今改為
治堂前為甬道為箴石亭為儀門東為土地祠為
典史宅丞廨在治門外

青田縣治

在三坊前
青田山下

嘉靖浙江通志唐天寶間開

設宋宣和四年令朱常修建青田縣志元至元間

燬達魯噶齊衛國忠建括蒼彙紀至正間復燬明
洪武初知縣耿亮鼎創丁未仍燬主簿彭允恭重
建青田縣志縣令陳世顯重修正德間令殷雲霄
改高川堂令洪儒又拓廳事處州府志舊治在城
六坊久圯

國朝康熙十八年知縣張皇輔重修中為治廳後為宅
有鏡心堂堂左右為廊東為招月亭為調鶴軒更
後為綠竹居為蔬圃為魚塘治廳前為露亭左為

幕廳右為庫為甬道為戒石亭為六房為土地祠
為儀門儀門外左為架閣庫為丞宅右為尉宅前
跨澗為石橋

緡雲縣治

在翠微山麓

括蒼彙紀翔于唐嗣聖時元李

燬至正間總制孫炎重建明洪武三年知縣劉澤

民新之崇禎處州府志萬曆戊午知縣馬良重建

國朝順治五年知縣項始震重建正廳十二年知縣汪

宗魯重建儀門康熙十一年知縣董定國重建內

衙二十年知縣霍維騰重葺中為正廳曰親民堂
後為川堂為後堂為內宅題門曰白雲多處為思
補堂為懋爽軒為咸春亭正廳左為幕廳右為耳
房庫前為甬道為戒石亭東西為吏廊南為儀門
為迎賓館為土地祠西為尉廨

松陽縣治

在縣北隅

括蒼彙紀初建于旌義鄉之舊市

屢值水患唐貞元間郡刺史張增改設今地即古
紫荊村也宋咸淳甲戌令趙與寅重建崇禎處州

府志元元貞二年持嘉顯忠增置遺愛堂明嘉靖
間正堂圯知縣黃美中重建

國朝順治間知縣佟慶年改建懸魚軒中為近民堂後
為川堂為後堂為內宅舊有遺愛堂有仰高亭西
為懸魚軒近民堂之左為贊政廳東為尉宅右為
庫前為甬道為戒石亭東西為吏舍為儀門門外
東為土地祠為寅賓館門上為譙樓

遂昌縣治

在君子山麓

嘉靖浙江通志吳赤烏二年建

宋熙寧間令錢長侯重建元末燬明洪武三年知
縣魏良忠重建天順元年知縣王貴修葺括蒼景
紀弘治末燬知縣邵文忠張鉞相繼成之正德十
三年又燬知縣張淵復建遂昌縣志歲久圯崇禎
二年知縣胡順化重建

國朝康熙四十九年知縣繆之弼建內省齋于川堂之
東中為居敬臨民堂後為川堂為觸目警心堂西
為內省齋宅內有空嘯閣有梅舫有代庫樓堂右

為贊政廳前為甬道為戒石亭東西為廊西南為尉廨南為儀門門左為土地祠為寅賓館前為大門為譙樓額曰西枯雄觀

協標駐防龍泉汛遊擊

駐劄縣城

龍泉縣治

在九姑山之陽

括蒼景紀宋大觀二年重建嘉

靖浙江通志自譙樓而南夾岸皆荷池元燬明洪武元年知縣張政建崇禎處州府志弘治三年知縣潘祖紳改建縣宅弘治十二年知縣梅秀重修隆

慶二年知縣李杙一新之治堂左為贊政廳右架閣庫東西為吏舍前為甬道為儀門後川堂為後堂左廂房右耳房庫北為知縣宅右為典史宅儀門外東為際留倉前為大門外為三思石橋

慶元縣治

在城東北

嘉靖浙江通志在半月南山溫湯

石龍二山之間宋令富嘉謀建

富嘉謀建縣治記龍泉距處為綦遠

而鄉之松源距龍泉為綦遠地居浙東之極慶元丁巳以松源一鄉益以延慶鄉之半置為邑錫名慶元越明年卜地于茲建縣治若迎詔頒春若庾杆罔不咸具丞縣在其東尉縣在其西縣學在其

北方析邑有木數千章一夕暴流漲溢蔽
溪順流而下亦異矣嘉泰元年十月記

慶元縣

志元至正十五年燬二十六年達魯噶齊伊德森

重建崇禎處州府志明初改為巡檢司隸龍泉縣

十四年復立慶元縣知縣董大本重建二十七年

知縣李仲仁克拓之慶元縣志弘治間知縣沈鶴

重修

國朝康熙元年知縣高嶙重建四年知縣程維伊重建

縣宅中為忠愛堂後為川堂為後堂額曰萬古磨

青為耳房庫為內宅忠愛堂左為贊政廳前為角道為戒石亭為儀門門外東為寅賓館左為土地

祠大門上為譙樓內宅東為尉解

舊為永宅奉裁改建

雲和縣治

在浮雲街北

嘉靖浙江通志明景泰三年置

知縣顧立建崇禎處州府志萬曆三十七年水壞

知縣丁以聰重建中為治廳左幕廳右耳房庫前

角道戒石亭東西吏廊東廊後為預備倉前為儀

門東為迎賓館為土地祠西為獄又前為譙樓治

廳後為川堂為後堂又後為知縣宅右為典史宅

舊丞宅奉
裁今改建

宣平縣治

在占鰲
山南

嘉靖浙江通志舊為鮑村巡檢

司景泰三年置縣知縣李葉即司地建今治

國朝康熙二十四年知縣魏康孫重建大堂堂後為川
堂為後堂為內宅為尉廨堂左為幕廳右為耳房
庫前為甬道為戒石亭為儀門門外東為土地祠
前為大門上為譙樓

景寧縣治

在桂山石印下

嘉靖浙江通志景泰三年知縣

楊殖宗創建

國朝康熙二十二年知縣劉宗沛重建大堂四十四年知縣朱軫裔改建中為忠愛堂左贊政廳右耳房庫前甬道為戒石亭東西為吏廊西為倉又前為儀門為屏門外為大門堂後為川堂顏曰帥正為後堂左為架閣庫又後為知縣宅右為典史宅

玉環

玉環營叅將

駐劄東
青山下

溫台玉環清軍餉捕同知

在玉
環山

明一統志玉環山

在樂清縣東南二百里海中

國朝雍正五年總督管巡撫事

臣

李衛題請專設玉環


清軍餉捕同知一員常川駐劄隨檄新授同知張

坦熊建造衙署面南照牆一座東西轅門一座大

門五間儀門三間東面書吏房六間土地祠三間

捲蓬三間大堂五間內宅門一座二堂三間廂房

六間住房五間耳房庖廂共十二間



浙江通志卷三十二